



新刊監本冊府元龜卷第九百六十五

外臣部

封冊第三

唐元宗天寶元年正月封女國王趙曳夫為歸昌王授左金吾衛大將軍佛逝國王劉滕未恭為賓義王授右金吾衛

曠國王楊多過為懷寧王授左羽林軍大將軍並員外各

帛八十疋放還部落六月冊突騎施大燾官都磨度闕頡斤為三姓葉護仍授左羽軍大將軍冊曰維天寶元年歲次壬午六月甲戌朔二十二日乙未皇帝詔曰於戲王者無外不隔越方必揆忠欵是加寵命咨爾骨吐祿毗伽都磨度闕頡斤代龍榮望名擅驍騎信義有聞部衆稱美往在蕃任受制克威元惡已

除能革心而向化牙纛既立克輔主以歸懷嘉爾誠心載宗賞
秩是用命爾為三姓葉護往欽哉爾其祇奉典冊懋明忠順善
翊君長勉樹庸勲可不慎欵

二年五月新羅王金承慶卒弟憲英襲位制曰故開府儀同三
司使持節大都督鷄林諸軍事兼持節寧海軍使新羅王金承
慶弟憲英奕懷仁率心嘗禮大賢風教條理明中夏

素龍馳海琛而遣使準雲呂而通朝代為純臣累效忠節
兄承土宇沒而絕嗣弟應繼及抑惟嘗經是用賓懷優以冊命
宜因舊業俾承蕃長之名仍加殊禮載錫漢官之號可罷兄新
羅國王都府儀同三司使持節大都督鷄林州諸軍事兼充持
節寧海軍使

三年閏二月封阼拔薩憚國王為恭化王冊曰維天寶三年歲
次甲申閏二月乙未朔二十二日丙辰皇帝詔曰於戲王化所
及禮在於懷柔蕃部有歸義存于冊命咨爾阼拔薩憚國王阿
魯施多志懷恭順深達智謀賓以使臣修其職貢仁義昭著深
可褒稱是用命爾為恭化王爾其祇奉典冊懋尊風教
勵始終無違用率於遐邦以宣我朝命可不慎欵

六月封突騎施伊里底密施骨吐綠毘伽為十姓可汗冊曰維
天寶三年歲次甲申六月癸巳朔十二日甲辰皇帝詔曰於戲
覆燾之德豈隔於華夷綏懷之道實貴於忠順咨爾突騎施伊
里底密施骨吐綠毘伽承其宗緒達於智謀能和衆心以致寧
靜載執蕃禮遠效懇誠節義昭明深可嘉尚是用命爾為十姓

可汗往欽哉爾其膺懋典冊祇奉朝化臨此忠信保於始終用
主於遠方以光其寵命可不慎歟

七月封九姓葉護男賀獵為燕郡王

是月賜曹國王瑀為懷德王米國王為恭順王康國王為欽化
王

四載七月安國王屈底波遣使朝貢遂封屈底波為

九月命蜀賓王國男勃準襲父位冊曰維天寶四年歲次乙
九月乙卯朔二十二日丙子皇帝詔曰於戲遠方奉順褒錫宜
優累代忠勤寵章斯及咨爾蜀賓國王男勃準宿承信義早竭
款誠寧彼下人二蕃安靜繼其舊業萬里來朝秉節不渝懇懷
弥著愿情之至深可嘉焉是用冊命罷蜀賓國王及烏長國王

仍授右驍衛將軍往欽哉爾其肅恭典冊保尚忠義承膺於寵
命以率於遐蕃可不慎歟

五載四月封奚王婆固為昭信王仍授驍樂府都督契丹王楷
維為恭仁王仍授松漠府都督

六載二月封陀拔斯單國王忽魯汗為歸信王羅利
思俱習為義寧王岐蘭國王盧薛為義賓王湟滿國王言沒
奉順王渤達國王摩俱濫思為守義王都盤國王謀思健摩訶
延為順德王阿沒國王俱般胡沒為恭信王沙蘭國王卑畧斯
威為順禮王

七載雲南王蒙歸義卒詔立其子閣羅鳳襲雲南王
八載七月冊十姓突騎施移撥為可汗冊曰爵以耐庸德以懷

遠乃建蕃國抑惟舊章十姓突奇施移撥可汗骨吐綠毘伽俱
支効歟輸誠志稱勇烈克保忠貞之節且兼射御之能信義無
愆邊隅是賴加以不從惡黨遠慕華風言念爾勞載懷嘉尚旣
茲部伍必仗材雄宜式拜於寵命俾有膺於殊禮可冊為十姓
突騎施移撥可汗

九載三月冊竭帥國王勃達沒兄素迦為王策曰於
制必崇名器懷柔之典無替疇庸咨爾竭帥國王勃特兄素
代竭忠誠僻居遐裔夙懷智識早聞勇義頃以勃特沒於鄉不
孝於國不忠而卿抱屈既深久被淪棄今惡黨已殄允結就擒
鄉遂能輸忠赤於朝廷表仁惠于蕃部永言効節宜膺旌賞
是用冊爾為竭帥國王尔其丕荷國恩克修蕃礼子孫萬代長

保寵榮豈不美歟可不慎歟

十一載正月壬寅冊骨吐國王羅全節為葉護冊曰維天宝十
一載歲次壬寅正月己卯二十四日壬辰皇帝詔曰於戲疇賞
懋功無隔於中外懷荒郵遠諒歸於典謨咨爾國國王羅全
節夙遵聲教志尚忠節作捍邊疆勤効斯著頓者以羣鬼重
方欲脅從而忠懇不渝始終彌固言念於此嘉尚良深是月授
爾驃騎大將軍仍冊為葉護爾其祇膺典禮慎守封疆貽慶子
孫受茲寵錫可不美歟

十二載九月以骨吐祿三姓毘伽頡利發為左羽林軍大將
軍員外宣同正員又以員吐綠毘伽為突騎施可汗
是月葛邏祿葉護頡毗伽生擒阿布思制曰葛邏祿葉護進頓

毘特稟英姿擅雄荒服威信馭衆智畧超羣仗弘義以立節竭
至誠而嚮順逆虜阿布思丘山積讐天地匪容仍茲鼠竄遂能
率引弓之旅佐轉戰之師生縛克渠咸殲醜類雖不長元惡願
神理之必誅而與我同仇乃忠勇之斯美疇其茂績寵以殊榮
可開府儀同三司封金山王依舊充葉護祿俸于北庭給其葉
護妻及母並封為國夫人
十月封石國王男邦車俱鼻施為懷化王
十四載四月以投降蘓毘王子悉諾邏為左驍衛員外郎大將
軍封懷義王賜姓李名忠信其屬官賜各有差
肅宗至德二年十二月詔曰功濟艱難志存邦國萬里絕域一
德同心求之古今所未聞也迴紇葉護特稟英姿挺生奇畧言

必良信行必溫恭才為萬人之敵位列諸蕃之長屬克醜亂嘗
中原未靜以可汗有兄弟之約與國家與父子之軍奮其智謀
討彼克逆一鼓作氣百萬摧鋒二旬之間兩京克定力拔山嶽
精冠風雲蒙犯曾不辭其勞急難無以渝其分固可縣之日月
傳之子孫豈惟列土之封誓河之賞夫位之崇者司空第一名
之大者封王最高可司空仍封忠義王每載賜絹二萬匹至朔
方軍差使領受

乾元二年七月冊命迴紇可汗為英武威遠毘伽可汗仍令堂
弟漢中王瑀充使

代宗廣德元年七月冊迴紇可汗為頡咄登密施舍俱祿英義
建功毘伽可汗可敦冊為婆墨光親麗華毘伽可敦可汗可敦

左右內外宰相已下共加實封二萬戶令御史大夫王翊持節就牙帳禮冊左右殺胡祿都督等並封為王諸都督一十一人竝封國公

大曆二年二月以新羅王金憲英卒國人立其子乾運為王遣其臣金隱居請加冊命詔以倉部郎中歸崇敬兼御史中丞持節齋書冊之以乾運為開府儀同三司新羅王仍冊乾運母為太妃

六年十一月文單國王來朝詔曰周有越裳重譯漢有槃木獻詩遠方來儀從古所記文單國副王婆弥慕我中朝之化方通南極之風義在撫柔禮當加等可開府儀同三司試殿中監德宗建中元年六月以京兆尹源休持節冊迴紇頡莫賀為武

義成功可汗帝初嗣位使中官梁文秀告哀迴紇修舊好可汗移地者又陳中國便利以誘其心可汗乃舉國南下將乘我喪其宰相頡莫賀達於諫曰唐大國也且無負於我前年入太原獲羊馬數萬計可謂大捷矣以道途艱難比及還國傷耗殆盡今若奔而不捷將安歸乎可汗不聽頡莫賀乘人心之危因擊殺之并殺其親信及九姓胡所誘來者凡二千人頡莫賀自立號為合骨咄祿毘伽可汗使其酋長建達于隨梁文秀來朝故命持節冊命拜焉

貞元二年正月以祕書丞孟昌源為國子司業兼御史中丞新羅弔祭冊立使先是建中四年新羅王金乾運卒無子國人立其上相金良相為王至是詔授良相簡較太師都督鷄林州刺

史寧海運史遣昌源帛冊之
是年新羅王金良相卒其上相金敬信為王詔令罷其官爵敬
信即從兄弟也

四年四月封東蠻鬼王驃旁苴夢衝苴烏星等為和義順政等
郡王驃旁等自臨雋州臣於吐蕃絕朝貢者二十餘年及是劍
南節度韋臯招誘之始棄吐蕃內附來朝特封為郡王且衣以
冠帶仍給兩林勿鄧等部落印而遣之

五年十二月詔迴訖汨吐祿長壽天親毘伽可汗夢以鴻臚卿
郭降克冊迴訖忠貞可汗使

七年二月以鴻臚少卿康鉞兼御史大夫冊迴訖可汗及帛祭
使先是六年四月忠貞可汗國人所慕立其子為可汗遣達北

勒梅祿將軍告哀且請冊新君故有是命

九年七月東女國王湯立悉來朝授立悉銀青光祿大夫歸化
州刺史

是年哥隣國王董卧庭來朝至綿州卒贈武德州刺史命其子
利羅為保寧都督府長史罷哥隣王

十年五月以西川歸化蠻悉嗟為左驍衛將軍同正是月加工
部員外郎袁滋兼御史中丞賜金紫魚袋持節冊南詔使南詔
異牟尋即雲南王閣羅鳳之孫天寶中閣羅鳳北臣吐蕃命為
贊普鐘曰東帝給以金印大曆四年卒異牟尋嗣立至是乃去
吐蕃所立帝號請復南詔舊名帝嘉之賜以金印銀窠其文曰
貞元冊南詔印

十二月封南詔清平官簡較左散騎常侍尹求寬為高溪郡王
十一年二月令內常侍殷志瞻將冊書渤海冊大嵩璘為渤海
王忽汗州都督嵩璘渤海大欽茂之子襲父位也
五月冊拜迴紇騰里邏羽錄沒密施合胡祿骨吐祿昆伽懷信
可汗以祕書少監史館修撰張荐兼御史中丞充使
十四年三月加渤海郡王兼左驍衛大將軍忽汗州都督大嵩
璘銀青光祿大夫簡較司空冊為渤海國王依前忽汗州都督
大嵩璘父欽茂以開元二十六年襲其父武藝忽汗州都督渤
海郡王左金吾大將軍天寶中累加特進太子詹事賓客寶應
元年進封渤海國王大曆中又累拜司空太尉及嶠璘襲位但
授其郡王將軍嵩璘遣使叙禮故更加冊命焉

十一月以朔方靈州同節度副使左金吾衛大將軍同正兼詳
太常卿慕容復巖長樂府都督青海國王烏地野拔勤豆可汗
十六年四月以故開府儀同三司簡較太尉使持節充寧海軍
使上柱國新羅國王金敬則嫡孫權知國事俊邕可襲祖開府
簡較太尉鷄林州大都督等新羅國王令司封郎中兼御史中
丞韋丹持節冊命丹至鄆州聞俊邕卒其子立詔丹還

十九年正月授黎州廓清道蠻首領巖恭化郡王劉志遠試太
常卿

順宗以貞元二十一年正月即位三月立新羅嗣王金重熙為
開府儀同三司簡較太尉使持節大都督鷄林州諸軍事鷄林
州刺史兼持節充寧海軍使上柱國其母和氏為太妃其妻朴

氏為妃遣兵部郎中兼御史大夫季方充使

四月封彌臣嗣王道勿禮為彌臣國王

五月加忽汗州都督渤海王大嵩璘金紫光祿大夫簡較司徒

憲宗以永貞元年八月即位時迴紇懷信可汗卒使來哀告

十一月冊命可汗為愛登里邏汨德沒施俱錄毘伽可汗以鴻

臚少卿兼御史中丞孫杲充弔祭冊立使元和元年二月授入

朝奚王梅落銀青光祿大夫簡較司空饒樂郡王放還蕃國

十月加忽汗州都督渤海國王大嵩璘簡較太尉

十二月以南詔異牟卒冊其子驃信酋蒙閣勸為南詔遣諫議

大夫段平使司封郎中李逢吉充副使并鑄元和冊南詔印從

平仲所請也

三年五月以迴鶻騰里野合俱祿毘伽可汗卒命使冊九姓迴

鶻可汗為登麥里囉汨沒密施合毘伽保義可汗以前山南西

道節度使柳晟為簡較工部尚書兼將作監充持節充使

六月沙陀突厥七百人携其親屬歸於振武節度使范希朝尋

授其大首領曷勒阿波左武衛大將軍同正員兼陰山府都督

祕書監

四年正月以故渤海國王大嵩璘男元瑜為銀青光祿大夫簡

較祕書監充忽汗州都督冊為渤海國王

十月以授來奚王沒辱孤為右領軍衛將軍員外同正充幽州

盧龍軍節度平州遊奕兵馬使仍賜姓李氏

七年七月以新羅王金重熙卒立其相金彦昇遣使來告詔以

彥昇為開府儀同三司簡較太尉使持節鷄林州大都督諸軍
事兼持節充寧海軍使上柱國封新羅國王妻真氏冊為妃仍
令有司准式兼命職方員外郎攝御史中丞崔延充使
八年正月以故渤海國王大元瑜長弟權知國務言義為銀青
光祿大夫簡較秘書監忽汗州都督冊為渤海國王遣內侍李
重旻充使

十一年五月南詔龍蒙盛卒遣使請冊立其君長命少府少監
李銳兼御史中丞持節冊立左贊善大夫許克佐副之

十三年四月以知渤海國務大仁秀為銀青光祿大夫簡較秘
書監忽汗州都督冊為渤海國王

十五年閏正月加忽汗州都督渤海國王大仁秀金紫光祿大

夫簡較司空

穆宗長慶元年四月以迴紇毘伽保義可汗卒正衙冊回鶻君
長為登羅羽祿沒密施合句祿毘伽可汗以少府監裴通充使
三年九月南詔遣使朝貢以京兆少尹韋審規為冊立南詔使
敬宗寶曆元年五月命使冊立九姓迴鶻愛登里囉汨沒密施
合毘伽昭禮可汗遣品官田務豐領國王文宗太和四年七月
以投來奚王茹羯為守右驍衛將軍員外置同正員

五年正月以權知渤海國王務大彛震為銀青光祿大夫簡較
秘書監兼忽汗州都督冊為渤海國王

四月以新羅金彥昇卒詔其子景徽為開府儀同三司簡較太
尉使持節鷄林州諸軍事充鷄林州大都督寧海軍等使仍賜

上柱國封為新羅王復封其母太妃朴氏為新羅太妃妻真氏
為王妃命太子左諭德兼御史中丞源寂持節弔祭冊立

七年四月制曰王者運神以清九有敷至德以柔四夷雖萬國
建邦皆有君長而一時締禮特厚親隣用昭絕漠之榮式示徽
章之貴克膺盛典允屬雄材咨爾九姓迴鶻愛登里羅汨沒密
施合句祿毗伽彰信可汗代濟公忠時推英毅剛明有守信實
不渝總北方勁悍之師慕中華清淨之化克昭前訓實懷遠圖
慶叶承家願申永好彼無侵軼此務綏安兩國咸歡六姻弥重
事大之義而合志春秋相嚮之誠而皎如日月使臣旁午贄幣
交馳詞意綢繆禮貌恭恪是嘉誠欵宜錫寵光必能虔受新恩
纂乃舊服今遣使寧遠將軍右金吾衛將軍兼御史大夫上柱

國賜紫金魚袋唐品實副使中大夫將作少監兼御史中丞賜
紫金魚袋嗣澤王容等持節備禮冊為九姓迴鶻愛登里羅汨
沒密施合句祿毘伽彰信可汗於戲海內四極惟唐舊封天下
一家與我同軌奉茲典冊布於神明爾其慎固封疆祇守名器
罔墜先烈載揚令猷欽承禮文以作來範

武宗會昌二年六月封天德降到迴鶻首領唱沒斯為懷化郡
王賜牙旗豹尾尋加簡較工部尚書兼歸義軍使制曰迴鶻代
雄絕漠名振北蕃而乃獸金草之彊慕朝廷之禮頻嚴冠帶思
覩漢儀蟬蛻自取其潔清豹交獨蔚於文彩不有豪傑孰啟壯
圖唱沒斯稟氣陰山降精斗極生知忠孝神授兵鈴自強之心
隱如敵國銳上之氣森若戈矛果能因亂布誠覩機立節深叶

懷柔之志不因告諭之詞昔者取士殊隣秦能致霸得賢異壤
晉實用材是宜優以寵光處之權貴褒納忠之顯效賜歸義之
美名俾建旆於新軍示絕席於諸將勉修臣節服戎官榮

九月制契丹新立王屈戌可雲麾將軍守右武衛將軍員外制
同正員仍賜新印篆其文曰奉國契丹之印

宣宗大中元年四月冊默憂斯首領為英武誠明可汗國曰堅
昆以鴻臚卿李業充使

後唐莊宗同光元年賜陰山府都督白承福於中山北石門為
柵號寧朔奉化兩府以都督為節度使賜姓李名紹曾

二年四月權迴鶻權知可汗仁美遣使來貢制曰迴鶻可汗仁
美代龍驍雄生知義烈乘北方忠順之氣為南面沙漠之君自

列聖有國之初便申盟誓及肅宗中與之運繼立勲庸爾來貢
奉不違戎馬不做一心嘗保於甥舅萬里或結於姻親今則興
服之初琛 俄至仍聞撫寧七部兼且控制諸蕃終姓之道無
渝信言必復嗣緒之文斯在典冊宜行俾紹前修且明久要宜
封為英義可汗仍令所司擇日脩禮冊命乃以太原少尹李彥
圖簡較工部尚書為冊使

明宗天成元年十月以舊州後山兩林百蠻都鬼王右武衛大
將軍李卑晚為寧遠將軍大渡河南山前印州六姓都鬼主懷
安郡王勿鄧標莎為定遠將軍

三年二月命使冊迴鶻權知可汗仁祕為順化可汗
長興三年五月制權知高麗國事王建可特進簡較太保使持

節玄菟州都督上柱國封高麗國王充大義軍使

末帝清泰元年七月癸丑簡較刑部尚書瓜州刺史慕容歸盈轉簡較尚書左僕射時瓜沙附迴鶻來朝貢令使歸故有斯命晉高祖天福三年十月制曰于闐國王李聖天境控西陲心馳北闕頃屬前朝多事久阻來庭今當寶厯開基乃勤述職請備屬籍宜降冊封將引來遠之思俾樂無為之化宜冊封為大寶于闐國王仍令所司擇日備禮冊命以供奉官張光鄴充使四年三月制曰迴鶻可汗仁美雄臨朔野虔奉中朝一方之烽燧茂聞萬里之梯航繼至自當開創益效傾輸備現尊獎之心爰降冊封之命宜封為奉化可汗擇日備禮冊命遣衛尉卿邢德昭持節使之

六年五月制曰王者法二象以覆載齊七麗以照臨既符有道之文是布無私之化其有誠懸象闕路越鯨津首傾拱極之心久勵事君之節得不示四時之信同萬國之風用顯英賢俾行典禮大義軍使特進簡較太保使持節玄菟州都督上柱國王高麗王王建天姿間傑神授機謀宇量矜嚴靈襟洞達志堅金石操凜雪霜每切朝宗嘗勤事大守三韓之重地仁義兼修定百濟之疆隣恩威並振暨朕握圖御宇膺籙開基遣猶子以朝天脩彰忠節改名臣而稱賀益認深誠而又叙立國之由述連姻之舊慕予正朔顯爾籌謀是用時舉徽章聿覃豐澤階升一品位統三師加以戶封兼其真食勉膺寵命以保令猷可開府儀同三司簡較太師依前使持節玄菟州都督充大義軍使食

邑一萬戶食實封一千戶高麗國王八月遣光祿卿張澄國子
博士謝攀往冊命焉
少帝開運二年十二月以權知高麗國事王武為特進簡較太
保使持節玄菟州都督上柱國充大義軍事兼御史大夫高麗
國王仍命光祿卿范政太子洗馬張季凝就行冊命
周太祖廣順二年二月制權監高麗國事王昭可特進簡較太
保使持節玄菟州都督上柱國充大義軍使封高麗王仍令所
司請禮冊命以衛尉卿劉暉充冊使通事舍人顧彥浦副之暉
卒於路彥浦溺海而死以太僕少卿王演借衛尉卿充高麗國
冊禮使右衛率府呂繼贇借將作少監充使副
世宗顯德二年十一月以高麗國遣廣評侍郎荀質來賀登極

授其國王：昭開府儀同三司簡較太尉制曰姬旦分疆肅慎
列明堂之位武王尊德朝鮮受箕子之封矧乃代守東藩材稱
間世龍衣冠而奉正朔瞻象魏以走梯航推誠遠慕於華風重
譯來朝於奧運嘉乃丕績宜覃懋恩特進簡較太尉使持節玄
菟州都督大義軍節度使上柱國高麗國王：昭地控辰韓風
行日域命氏本神僊之族炳靈分象緯之精為仁自契於太平
既現繇已述職罔殊於諸夏來奉克庭朕嗣守鴻圖方崇王道
禮樂征伐之柄盡出眇躬山河帶礪之盟思傳不朽但遵聲教
豈限遐遙俾光燾土之封更假自天之寵於戲儀同三事無先
開府之尊冠簪四梁愈見上公之貴琢蒼玉為爾珮飾豐貂為
爾冠用報好音且彰柔遠尔其仰宣朝命下慰州民泛濟水為

恩波還同在滌指家山於維嶺免詠式微永為屬國之賓無缺
外臣之禮可授開府儀同三司簡校太尉依前使持節玄菟州
諸軍事行玄菟州都督充大義軍使高麗國王勳如故

恭帝以顯德六年即位加高麗國王昭簡較太師食邑三千

戶與諸國並稱國報於諸夏未嘗失其節制

計日凝命為本縣對之慈以靈台魯韓之辭為山自吳迄太平

黃龍略管大義軍時夷外土封國高麗國王昭簡較太師食邑三千

新來陳休與顯德六年即位加高麗國王昭簡較太師食邑三千

開書諸國報於諸夏未嘗失其節制

臣即堂之對為王義顯陳韓受其七之韓國以介於東蕃林林

效其國王昭簡較太師食邑三千

新刊監本冊府元龜卷第九百六十六

外臣部

十一

大雅著如續之訓春秋有世及之義蓋所以象賢濟美克承基

緒也者雖復要荒之外戎蠻之國亦乃崇樹世嫡襲其位號傳

國延祚享年永久其間知人如宋宣讓國如魯隱爰才如吳謁

得位如晉文雖曰夷狄有足稱者自餘女子為後彊臣逆取是

不一姓何嘗之有系而言之亦所以紀其興滅之迹矣

東夷朝鮮自武王封箕子其後四十餘年至朝鮮侯準自稱王

漢初燕人衛滿擊破準而自王朝鮮傳國至孫右渠

高句麗漢初其王高朱蒙死子如粟立如粟死子莫未立漢武

高句麗漢初其王高朱蒙死子如粟立如粟死子莫未立漢武

既滅朝鮮以高句麗為縣王莽更名下句麗侯後漢建武八年遣使朝貢光武復其王號裔孫宮建光元年死子遂成立遂成死子伯固立伯固死有長子拔奇小子伊夷模拔奇不肖國人便立伊夷模為王伊夷模死子位宮立始位宮曾祖宮生而目開能視國人惡之及長玄虐國以殘破及位宮亦生而視人高麗呼相似為位以為似其曾祖宮故名位宮其後位宮玄孫乙弗利立乙弗利死子釗立釗為百濟所殺至後魏大武時釗曾孫璉遣詣安東奉表貢方物封璉為遼東郡公高句麗王太和十五年璉死年百餘歲孫雲立神龜中雲死世子安立安死子延立延死子成立成立成死子湯立周武帝封湯為遼東王隋高祖改封高麗王湯死子元嗣唐高祖武帝二年元弟建武遣使朝貢貞觀十六年西部大人蓋蘇文殺武立其弟大陽子歲為王十七年太宗封歲為遼東郡王儀鳳中改朝鮮王永淳初歲卒垂拱二年封歲孫寶元為朝鮮郡王聖曆元年改為忠誠國王後唐同光天成中具王姓高長與三年其王曰王建晉開運二年建卒子武嗣漢乾祐末武卒子昭立

百濟晉義熙十二年封其王餘映為百濟王宋元嘉七年其王餘毘復脩職貢以映爵號授之毘死子慶代立慶死子牟都立牟都死子牟大立梁普通二年其王餘隆遣使朝貢五年隆死子明襲其王號北齊武平元年以其王餘昌百為濟王隋開皇中昌死子璋立唐武德七年冊為帶方郡王百濟王貞觀十五年璋卒子慈義遣使告哀太宗冊慈襲其王號顯慶五

年左衛大將軍獮定方大破其國虜義慈及太子隆送於京師
龍朔元年百濟僧道琛舊將福信遣使往倭國迎故王子扶餘
豐立為王高宗命帶方州刺史劉軌討之討以扶餘隆為熊津
都督遣還本國儀鳳二年封帶方郡王其百濟本地漸為新羅
所據隆不敢還遂卒則天以其孫敬讓封帶方郡王新羅王本
百濟人自海外入新羅遂王其國傳世三十至金真平隋開皇
十四年封樂浪郡公新羅王唐貞觀五年真平卒無子立其女
善德為王龍樂浪郡公新羅王號二十一年善德卒立其妹真
德為王永徽五年真德卒弟相國金春秋嗣龍朔元年春秋卒
詔其子太府卿法敏嗣開耀元年法敏卒其子政明嗣天授三
年政明卒其子理洪嗣長安二年理洪卒立其弟真光為新羅

王開元二十五年真光卒其子承慶龍天寶二年承慶卒其子
憲英龍大曆二年憲英卒其子乾運襲建中四年乾運卒無子
國人立其上相金良相為王貞元三年良相卒立上相敬信為
王龍其官爵敬信即良相從兄弟也十四年敬信卒其子先亡
國人立敬信嫡孫俊邕為王十六年俊邕卒其子重興立元和
七年重興卒立其相金彥昇為王太和五年彥昇卒其子景徽
嗣後唐同光元年其王金朴英長興四年權知國事金溥並遣
使朝貢倭國後漢光和中有女王名卑弥呼魏正始中卑弥呼
死更立男王國中不服更相誅殺復立卑弥呼宗女臺與為王
其後復立男王並受中國爵命晉安帝時倭王贊死弟弥立弥
死子濟立宋元嘉二十年濟死世子興立興死弟武立隋開皇

二十年其王姓何每字多利思比孤號河輦鷄弥遣使朝貢
南越王趙佗漢高帝十一年立為南越王建元四年佗卒孫胡
為南越王胡薨太子嬰齊立先是嬰齊入宿衛在長安時取邯
鄲膠氏女子生與及即位上書請立膠氏女為后與為嗣及嬰
齊薨太子興代自尉佗王凡五世九十三歲而亡

閩越王無諸漢高帝五年立為閩越王：閩中故地建元六年
其王郢擊南越為其弟餘善所殺詔立無諸孫繇君丑為越繇
王奉閩越先祭祀餘善已殺郢威行於國：人多屬竊自立為
王繇王不能矯其衆持正天子聞之立餘善為東越王與繇王

並處

元封元年
為漢所滅

東海王搖漢惠帝三年立為東海王都東甌世從號為東甌王

後數世為閩越所滅

林邑國漢末象林縣功曹姓區有子連殺令自立為王子孫相
承其後王無嗣外孫范熊代立熊死子逸立南齊時夷人范當
根篡奪林邑自立為王後林邑王范陽邁子孫范諸農率種人
攻當根純復得本國梁天監九年其王范元凱立十三年病死
弼毳跋摩立唐武德三年其王曰范志貞觀四年其王曰范頭
黎並遣使朝貢頭黎死子范真龍代立真龍為國人所殺乃立
頭黎女婿婆羅門為王真後大臣及國人感思舊王乃廢婆羅
門而立頭黎之嫡女為王一說永徽總章中其王曰鉢迦舍跋
摩先天開元中其王建多達摩天寶中其王盧陀羅並遣使朝
貢至德後改稱環王國不以林邑為號永泰元年林邑王諸農

入朝海中遭風溺死代宗以其子文歎為假節都督緣海軍事
安南將軍林邑王王真對六百八十八卷赤土國其王姓瞿曇氏名富利多塞稱其父釋王位出家為道傳
位于利富多塞朱江國其王姓刹氏名質多斯那自其祖漸已強盛至質多斯
那遂兼扶南而有之質多斯那死子伊奢那先代立西南夷東謝蛮其首領謝元深世為首長唐貞觀三年元深與
南謝首領謝強來貢貞元十三年西南蕃大首長繼巖蛮州刺
史宋鼎左右大首領仰州刺史謝汕隨牂柯朝貢西趙蠻首領趙氏世為首長唐貞觀三年以其地宣明州首領
趙磨為刺史

牂柯蠻首領謝龍羽唐武德三年授牂州刺史封夜郎公開元
十年大首謝元齊死詔立其孫嘉藝巖其官封二十五年大首
長趙君道來朝貢貞元七年授其首長趙主俗官

南詔王姓蒙氏唐初有蒙舍龍生迦獨龍迦獨生細奴羅高宗
時來朝細奴邏生邏盛則天時來朝開元初邏盛死子盛還皮
立盛還皮死子皮邏閣立玄宗封越國公賜名歸義其後破洱
河蛮以功冊授雲南王天寶七載歸義卒詔立子閣羅鳳襲雲
南王大曆十四年閣羅鳳死子迦異先死乃立迦異子是為異
牟尋元和三年異牟尋死冊子其驃信箕蒙閣勸為南詔其後
有龍牟盛蒙筭頭皆為南詔

西羌無弋爰斂者秦厲公時諸羌推以為豪其後世為豪從

爰釁種五世至研、最豪健自後以研為種踰十三世至燒當復豪健其子孫更以燒當為種踰自燒當至玄孫滇良世居河北大允谷滇良死子滇吾立滇吾降漢子東吾立乃入居塞內氏者四夷之別種後漢建安中有楊騰者為部落大帥徙居仇池地方百頃因以為踰魏拜為百頃王至其孫名飛龍無子養外甥令孤茂搜為子晉元康中羣氏推以為主愨帝以為驃騎將軍封左賢王茂搜死子難敵統位自踰左賢王屯下辦弟堅頭分部曲踰右賢王屯河池難敵死子毅立自踰左賢王下辦公以堅頭子盤為右賢王河池公毅族兄初龍殺毅并有其衆自立為仇池公永和十年改封初為天水公十一年初為小弟宋奴所殺初子國誅宋奴復自立為仇池公十二年國徙叔俊復殺國自立國子安奢符生殺俊稱藩於晉及死子世自立為仇池公太和三年以世為秦州刺史弟統為武都太守世死統廢世子纂自立纂黨龍殺統自立為仇池公遣使詣闕簡文帝以纂為秦州刺史咸安元年符堅遣楊安伐纂剋之徙其人於關中空百頃之地先是宋奴之死二子佛奴佛狗逃奔符堅、以女妻佛奴子定拜為尚書領軍堅之敗定奔隴右徙居歷城招夷夏千餘家自稱龍驤將軍仇池公稱藩於晉孝武以為秦州刺史後魏登國四年遂有秦州之地踰隴西王後為乞伏軻歸所煞無子狗奴子盛先為監國守仇池公統事自踰征西將軍秦州刺史仇池公謚定為武王天興初以盛為征南大將軍仇池公盛死私謚曰惠文王子玄統位始光四年拜玄為征南

大將軍督梁州刺史南秦王玄死私諡孝昭王子保宗統位初
玄臨終謂弟難當曰今境候未寧方須撫慰保宗冲昧吾授卿
國事其無墜先勲難當固辭請立保宗以輔之保宗既立難當
妻姚氏謂難當曰國險宜立長君返事孺子非久計難當從之
廢保宗而自立太武拜難當為征南大將軍秦梁二州刺史南
秦王難當為宋將裴方明所敗棄仇池奔上邽太武遣中山王
辰迎之方明既尅仇池以保宗弟保熾守之河間公齊擊之走氏
羌立保宗弟文德屯于濁水太武遣中山王辰迎之文成時
拜難當營州刺史卒諡曰忠和子小眼襲爵例降為公拜天水
太守卒子公熙襲爵初宋將裴方明既尅仇池以保宗弟保熾
守之尋為後魏河間公齊擊走氏羌立保宗弟文德屯於濁水
又為皮豹子所擊保宗之執也子元和奔宋以為武都白水太
守元和據城歸順文成嘉之拜征南大將軍武都王內徙京師
元和從叔僧嗣復自稱武都王於葭蘆僧嗣死從弟文度自立
為武興王孝文初征西將軍皮歡喜攻葭蘆破之文度弟鼠自
立為武興王奉表謝罪孝文拜鼠都督南秦州刺史征西將軍
西戎較尉武都王鼠死從子後起統位孝文復以鼠爵授之後
起死以鼠子集復為武興王集死子紹先立紹先年幼委事二
叔集起義後為建武將軍傅豎眼所破執紹先送京師遂滅其
國魏末天下亂紹先奔還武興復自立為王紹先死子辟邪立
周太祖討平之乃以大將軍宇文貴為都督興州刺史
宕昌羌後魏時有梁勲者世為首帥得羌豪心乃自稱王焉勲

孫彌念太武初遣子彌黃奉表求內附拜為宕昌王彌念死孫
彪子立彪子死弥治立弥治死子弥機立

東女國本西羌之別種俗以女為王號為賓就唐武德中其王
湯滂氏垂拱二年其王斂臂天授三年其王俄琰兒並遣使
朝貢天寶元年封其王趙曳夫為歸昌王是後以男子為王貞
元九年其王湯立憲內附授歸化州刺史

吐蕃本西羌之種國人號其王為贊普唐永徽元年贊普寶王
不夜美讚薨美讚子早死其嗣孫立復號贊普年幼國事皆委
於其相祿東贊祿東贊死其子欽陵復專其國儀鳳元年不夜
美讚卒嫡子器弩悉美即大臣趨薩苦之甥也先與薩苦往年
同徵發兵馬聞喪歸國繼位為贊普時年八歲其弟年六歲時

在欽陵之軍國人以欽陵彊盛又欽奉之為主欽陵迫於大義
竟與薩苦協心器弩悉美位始定神龍元年器弩悉美卒諸子
爭立久之國人立其子棄隸踰贊為贊普時年七歲天寶十四
載贊普乞黎蘓籠臘贊死大臣立其子娑悉籠臘贊為贊普貞

元十三年卒長子立一歲卒元和十二年會昌二年皆以贊普

卒未哀

西域蜀賓國漢武帝時其王烏頭勞死子代立遣使奉獻唐顯
慶三年遣使朝貢訪其國俗云王始祖馨孳今日曷擷之父子
傳位已十二代其年列其誠為脩鮮府龍朔初授其王都督十
一州諸軍事開元七年冊其王為葛邏達支特勒二十七年其
王烏散特勒上以年老上表請嫡子拂森蜀婆嗣位許之天寶
四載又冊其子勃匐准為罷蜀賓及烏長國王仍授右驍衛將

烏孫漢武帝時其昆莫有十餘子中子大祿強善將衆萬餘騎別居大祿兄太子太子有子曰岑陬太子早死謂昆莫曰必以岑陬為太子昆莫哀許之大祿怒乃收其弟昆將衆畔謀攻岑陬昆莫與岑陬萬餘騎令別居昆莫亦自萬餘騎以自備國分為三大總羈屬昆莫後尚江都公主昆莫年老欲使岑陬尚公主公主不聽天子令從其風俗岑陬遂自妻公主昆莫死岑陬代立岑陬者官號也各軍頭靡昆莫王號也名獵鴉靡後昆彌亡岑陬胡婦子泥靡尚小岑取且死以國與季父大祿子翁歸靡曰泥靡大以國歸之翁歸靡既立號肥王復尚楚主解憂生三男兩女元康二年上書願以漢外孫元貴靡為嗣得令復

尚漢公主乃以解憂弟相夫為公主遣之未出塞聞翁歸靡死貴人共從本約立岑陬小子泥靡代為昆彌號狂王其後為翁歸靡胡婦人烏就屠所殺烏就屠自立為昆彌詔立元貴靡為大昆彌烏就屠為小昆靡元貴靡死子星靡代為大昆彌昆彌死子烏就靡代小昆彌烏就屠死子拊離代立拊離為弟日貳所殺漢遣使者立拊離子安日為小昆彌後為降民所殺漢立其弟未振將代未振將恐為大昆彌雌離靡所并使貴人烏日領詐降刺殺之漢立雌栗靡季父公主孫伊秩靡為大昆彌漢沒入小昆彌侍子在京師者久之大昆彌翎侯難柘殺未振將以其兄安日子安黎靡代為小昆靡是歲元延二年也拘弥國後漢永建四年其王為子闐王放前所殺自立其子為

拘弥王陽嘉元年燉煌太守徐繇遣疏勒王擊破于闐更立與宗人成國為拘弥王熹平四年于闐王安國攻拘弥殺其王戊已較尉西域長史各發兵輔立拘弥侍子定興為王于闐國後漢永平中其王休莫霸死兄子廣德立永建六年其王放前遣侍子貢獻大月氏國漢時貴霜翎侯丘就卻自立為王國號貴霜丘就卻年八十歲餘死子闐膏珍代為王莎車國漢宣帝時烏孫公主小子萬年莎車王愛之莎車王無子死時萬年在漢莎車國人計欲自託于漢又欲得烏孫心乃上書請萬年為王萬年既立暴惡國人不說莎車王弟呼屠徵殺萬年自立漢烈侯馮奉世發兵擊殺之更立它昆弟子為

莎車王至元帝時其王延嘗為侍子長於京師王莽天鳳五年延死諡忠武王子康代立後漢建武九年康死諡宣成王弟賢代立賢為于闐王廣德所虜匈奴遣兵將賢質子不居徵立為莎車王廣德又攻殺之更立其弟齊黎為王章帝元和三年降漢

疏勒國後漢永平十六年龜茲國王建疏勒王成自以龜茲左左侯兜題為疏勒王是年漢遣軍司馬班超劫縛兜題而立成之兄子忠為疏勒王元初中其王曰安國以舅臣磐有罪徙于月氏後安國死無子母持國政與國人共立臣磐同產弟子遣復為疏勒王臣磐聞之請月氏王曰安國無子種人微弱若立母氏我乃遣復叔父也我當為王月氏遣兵送還疏勒國人素

敬愛臣磐又畏憚月氏即共奪遣復印綬迎臣磐立為王至靈
帝建寧元年疏勒王為其季和得所射殺和得自立為王

龜茲國漢時其王絳賓以烏孫公主為夫人絳賓死六子丞德
自謂漢外孫成帝時往來尤數隋大業中其王姓白氏曰蘇泥
陁唐武德初其王蘊伐勃駛並遣使來朝勃駛卒子蘊伐疊伐
立踰時健莫賀侯利發疊死其弟訶黎布失畢代立貞觀末阿
史那社爾伐龜茲二其王遠于京師立其弟葉護為王永徽七
年又以訶黎布失畢為右驍衛大將軍尋放還蕃撫其餘衆依
舊為龜茲王顯慶二年立其王嗣子白素稽為龜茲王授右驍
衛大將軍仍遣使就加冊命開元七年其王白漢必卒以其嫡
子孝節襲位

車師都尉國漢時其王太子曰軍宿匈奴欲以為質軍宿焉耆
外孫不欲質匈奴亡走焉耆車師王更立子烏貴為太子後為
車師王為子二所擊亡走烏孫烏孫留不遣使上書願留其車
師王備國有意可從西道以擊匈奴漢許之於是漢台故車師
太子軍宿在焉耆者立以為王

高車國者漢車師前王之庭也後魏時蠕、立闕伯周為高昌
王太和初伯周死子義成立為從兄首歸所煞首歸自立為高
昌王五年為高車王阿伏至羅所殺以燉煌人張孟明為王為
國人所殺更以馬儒為王以鞏頌麴嘉二人為左右長史儒又
通史後魏請內屬人皆戀土不願東遷相與殺儒立嘉為王延
昌中以嘉為持節平西大將軍瓜州刺史泰品縣開國伯嘉死

子堅立堅死子伯雅立唐武德二年伯雅死子文恭嗣貞觀十
四年稱疾不朝太宗命吏部尚書侯君集征之恭死子智盛嗣
立君集遂拔其城宣安西都護府
焉耆國隋大業中其王姓龍名突騎支唐貞觀十四年安西都
護郭孝恪發兵擊之虜突騎支獻於雒陽太守赦其罪留於京
師其國乃立薩婆阿那支彌為瞻干阿史那社爾之討龜茲也
阿那支率兵龜茲共禦大軍杜爾擒而斬之立龍婆伽利為王
即突騎弟也永徽三年龍婆伽利死其國人請立前王龍騎支
為王高宗許之加授右武衛將軍令還本蕃開元七年其王龍
嬾突薨以其馬吐拂延讓位
波斯國其王初嗣位便密選諸子才堪承統者名字封而歲之

王死後大臣與王之羣子共發封而視之奉所書名為王唐貞
觀二十一年其王伊嗣俟龍朔元年其國王卑路斯並遣使朝
貢高宗列其地疾陵城為波斯都督府授卑路斯為都督
大食國隋大業中其王名歐密莫末賦自云有國已四十四年
歷三主矣一說隋開皇中大食族中有孤列種為代首長列孤
有二姓一彌益尼奚深一彌益尼末換後有摩訶末者勇健多
智衆立之為王摩訶末後十四代至末換殺其兄為部人所殺
遂求得奚深種阿蒲羅拔立之阿蒲羅拔卒立其弟阿蒲恭拂
恭拂卒子迷地立迷地卒子牟柘立牟柘卒弟論之是歲貞觀
二年也
石國唐顯慶三年列其地為大宛府以其王歐吐屯攝舍提於

屈昭穆為都督開元初封其王莫賀咄咄為石國王九年其
王曰伊吐屯屈勒天寶五載封其王子那偈車鼻施為懷化王
吐火羅國唐永徽三年列其地為月氏府以其葉護阿史那烏
濕波為都督開元七年其葉護曰支汗那十七年冊其首領骨
咄祿頡達度為葉護天寶八載其葉護失里忙伽羅並遣使朝
賀

康國本康居之苗裔唐武德七年其王曰屋本支顯慶三年其
王曰拂呼髮是年高宗列其地為康居府以拂呼髮為都督人
歲通天元年則天封其大首領篤婆鉢提為王鉢提尋卒又冊
立其子泥濕師為王泥濕師卒冊立其子突昏為王開元
十九年其王烏勒卒上表請封其子骨咄曷為曹國王許之二

十七年遣使烏勒卒遣使冊咄曷襲其父位
史國唐顯慶三年列其所治為佉沙州以其王昭武失阿曷為
刺史開元十五年其王曰阿忽必多延屯二十七年卒冊立其
子阿忽鉢為王二十九年其王斯謹提立

臣等謹將新舊兩本對勘其有異同者... 臣等謹將新舊兩本對勘其有異同者... 臣等謹將新舊兩本對勘其有異同者...

臣等謹將新舊兩本對勘其有異同者... 臣等謹將新舊兩本對勘其有異同者... 臣等謹將新舊兩本對勘其有異同者...

新刊監本冊府元龜卷第九百六十七

外臣部 十二

續前卷第二

西北吐谷渾本鮮卑徒河涉歸之子涉歸晉時封昌黎公死子若落鹿化統部落而庶長吐谷渾西附陰山吐谷渾死長子吐延嗣吐延性酷刻暴為昂城羗酋姜聰所刺劍猶在體呼子葉延語其大將絕拔渥日吾氣絕棺斂訖便速去保白蘭白蘭地既險遠又土俗懦弱易控禦葉延小付汝竭股肱之力以輔之傳子得立吾無恨矣抽劍而死葉延立乃以王父字為氏亦以為國號葉延死子碎奚立性淳謹三弟專權碎奚不能制諸大將共誅之碎奚憂哀不復攝事遂立子視連為世子委之事

號曰莫賀郎華言父也視連立十五年死弟視罷立視罷死子
樹維千並幼弟烏紇提立烏紇提死樹維千立自號車騎將軍
是歲晉義熙初也樹維千死弟阿豺立自號驃騎將軍沙州刺
史宋少帝封為澆河公阿豺臨死召諸子弟告之曰先公車騎
捨其子虔以大業屬公吾、宜敢忘先公之舉而私于緯代其
以慕瓚繼事阿豺有子二十人又謂之曰汝等各奉吾一隻箭
將玩之地下俄而命母弟慕利延曰汝取一隻箭折之慕延折
之又曰汝取十九隻箭折之慕延不能折阿豺曰汝曹知乎單
則易折衆則難摧戮力一心然後社稷可固言終而死宋文帝
又授慕瓚為隴西公後魏大武遣使冊拜慕瓚為大將軍西秦
王大延二年慕瓚死弟慕利延立改封西平王慕利延死樹維
子拾寅立始邑於伏羅川後拜為西平王太和五年拾寅死子
易侯立易侯死子伏連籌立封為吐谷渾王伏連籌死子夸呂
立始自號為可汗居伏侯城夸呂在位百年餘子卒世伏嗣世
伏為國人所殺立其弟伏允為主為隋所擊客于党項大業末
天下亂伏允復其故地唐貞觀九年詔特進李靖討破之伏允
自縊而死國人乃立其嫡子太寧主順為可汗稱臣內附太宗
封順為西平郡王仍授趙胡呂烏其豆可汗順立未幾為臣下
所殺其子燕王諾易鉢嗣立封為河源郡王仍授烏地也拔勒
豆可汗其後吐谷渾為吐蕃所得諾易鉢徙其部衆于靈州之
地置安樂州以諾易鉢為刺史垂拱四年卒子忠嗣忠卒子宣
趙嗣聖曆三年嚴父烏地也拔勒豆可汗宣趙卒子希皓嗣希

皓卒子兆嗣及吐蕃臨安樂州其部衆又東徙散在朔方河東之境貞元十四年以朔方軍節度副使慕容復為靛長樂州都督清海國王烏地也拔勒豆可汗未幾卒其封遂絕唐末有首領赫連鐸拓拔思恭後唐有白承福念公山薛薰堆各有部族北狄匈奴秦始皇時單于曰頭曼有太子名曰冒頓代為單于漢文帝時冒頓死子稽粥立號曰老上單于後四年老上單于死子軍臣單于立元朔中軍臣單于死其地左谷蠡王伊犀斜自立為單于攻敗軍臣單于太子於單於單亡降漢封於單為陟安侯伊犀斜單于立十三年死子烏維立為單于是歲元鼎三年也烏維單于立十歲死子詹師廬立年少號為兒單于是歲元封六年也兒單于立三歲而死子少匈奴乃立其季父

烏維單于弟右賢王句黎湖為單于是歲太初三年也其冬病死其弟左大將都督且鞮侯立為單于且鞮侯單于立五年死長子左賢王立為狐鹿姑單于是歲太始元年也初且鞮侯兩子長為右賢王次為左大將病且死言立右賢王右賢王未至貴人以為有病更立左大將為單于右賢聞之不敢進左大將使人召右賢王而讓位焉右賢王辭以病左大將不聽謂曰即不幸死傳之與我右賢王許之遂立為狐鹿姑單于狐鹿姑單于立以左大將為右賢王數年病死其子先賢禪不得代更以為日逐王日逐王者賤于右賢王單于自以其子為右賢王狐鹿姑單于有異母弟為左大都督賢國人鄉之母闕氏恐單于不立子而立左大都尉也乃私使殺之左大都尉同母兄死

遂不肯復會單于庭又單于病且死謂諸貴人我子少不能治
國立左賢谷蠡王及單于死衛律等與顛渠閼氏謀匿單于死
詐橋單于令與貴人軟盟更立子左谷蠡王為壺衍鞬單于是
歲始元二年也壺衍鞬單于立十七年死弟左賢王立為虛問
權渠單于是歲地節三年也虛問權渠單于立九年死顛渠閼
氏與其弟右大且渠都隆奇謀立右賢王屠耆堂為握衍朶鞬
單于握衍朶鞬立二歲暴虐殺伐國中不附其明年姑夕劬王
與烏禪幕及左地貴人共立稽侯狁為呼韓邪單于發左地兵
四五萬人西擊握衍朶鞬單于兵敗自殺呼韓邪立二十八年
建始二年死呼韓邪嬖左伊秩訾兄呼衍王女二人長女顛生
二子曰且莫車次曰囊知牙斯少女為大閼氏生四子長曰雕
陶莫臯次曰且糜胥皆長於且莫車二人皆小於囊知牙斯顛
渠閼氏貴且莫車愛呼韓邪病且死欲立且莫車其母顛渠閼
氏曰匈奴亂十餘年不絕如髮賴蒙漢力故得復安今平定未
久人民創艾戰鬪且莫車年少百姓未附恐復危國我與大閼
氏一家共子不如立雕陶莫臯大閼氏曰且莫車雖少大臣共
持國事今舍貴立賤後世必亂單于卒從顛渠閼氏計立雕陶
莫臯約令傳國與弟呼韓邪死雕陶莫臯立為復索株若鞬單
于復索株立十歲鴻嘉元年死弟且糜胥立為搜諧若鞬單于
以且莫車為左賢王搜諧立八年元延二年死弟且莫車立為
車牙若鞬單于車牙立四歲綏和元年死弟囊知牙斯立為烏
珠留若鞬單于烏珠留立二十一歲王莽建國五年死匈奴用

事大臣右骨都侯須卜當即王昭君女伊墨居次云之婿也云
嘗欲與中國和親又素與粟置支侯咸厚善見咸前後為莽所
故遂越輿而立咸為烏累若鞮單于烏累單于咸立以弟輿為
左谷蠡王烏索若鞮單于立五歲天鳳五年死弟左賢王輿立
為呼都而尸道畢若鞮單于後漢建武二十二年單于輿死子
左賢王烏達鞮侯立為單于後死弟左賢王蒲奴立為單于
南匈奴醯落尸逐鞮單于比者呼韓邪單于之孫烏珠留若鞮
單于之子自呼韓邪後諸子以次立至比季父單于輿時比為
右莫鞮日逐王部領南邊及烏桓後漢建武二十二年單于輿
死比密遣人郭衡奉匈奴地二十三年詣西河太守求內附二
十四年春八部大人共議立比為呼韓邪單于以其大父嘗依
漢得安故欲嚴其號單于比立九年薨弟左賢王莫立是為丘
浮尤鞮單于莫中元二年立一年薨弟汗立是為伊伐於慮鞮
單于汗中元二年立二年薨單于比之子適立是為醯僮尸逐
侯鞮單于適永平二年立四年薨單于莫子蘊立是為丘除車
林鞮單于數日薨單于適之弟長立為湖邪尸逐侯鞮單于長
永平六年立二十二年薨單于汗之子宣立是為伊屠於閭鞮
單于宣元和二年薨單于長之弟屯屠何立是為休蘭尸逐侯
鞮單于屯屠何章和二年立六年薨單于宣弟安國立安國初
為左賢王無稱譽是以中國盡敬左谷蠡王師子而不附安國
立二年為舅骨都侯喜為等所殺立單于適之子師子是為亭
獨尸逐侯鞮單于師子永元六年立四年薨單于長之子檀立

是為萬民尸逐鞮單于檀永元十年立二十七年薨弟牧立是為烏稽侯尸逐鞮單于拔延光三年立四年薨弟休利立是為去特若尸逐就單于休利永建三年立十三年為中郎將陳龜逼迫之自殺時呼蘭若尸逐就單于兜樓儲先在京師漢安二年立之遣行中郎將持節護送單于歸南庭兜樓儲立五年薨伊陵尸逐就單于居車兒建和元年立二十五年薨子某立是為屠特若尸逐就單于某熹平元年立六年薨子呼徵立呼徵光和元年立二年中郎將張脩與單于不能相脩擅斬之更立右賢王羌渠為單于羌渠光和元年立十年為國人所殺子右賢王於扶羅立是為持至尸逐侯單于於扶羅中平五年立七年死弟呼厨泉立建安二十一年來朝魏太祖因留於鄴遣右

王去卑歸監其國

烏桓後漢靈帝初遼西有丘力居者衆五千餘落自稱王獻帝初平中丘力居死子樓班年小從子蹋頓有武畧代立繼稱三王部衆皆從其號令其後上谷王難樓遼東峭王蘓僕延率其部衆奉樓班為單于鮮卑後漢建武末封大人於仇責為玉蒲頭為侯永初中賜大人燕荔陽王印綬不詳其子孫繼繼至桓帝時有檀石槐者勇健有智畧部落推為大人東西部大人皆歸焉光和中檀石槐死子和連代立靈帝末年數為寇鈔攻北地北地庶人善弩射中和連和連即死其子騫曼年小兄子魁頭既立後騫曼長大與頭魁爭國衆遂離散魁頭死弟步度根代立後為大人軻比能所殺魏文帝封軻比能為附義王比能

死立其弟素利弥加為歸義王太和二年素利死子小以弟成律歸為王代揖其衆北突厥者匈奴之別種後魏時號土門部落魏未有伊利可汗伊利卒弟阿逸可汗立阿逸病且卒捨其子揖圖立其弟俟斤是為木杆可汗在位二十年卒復捨其子事邏便而立其弟是為他鉢可汗他鉢以揖圖為爾伏可汗統其東面又以其弟褥但可汗為子步难可汗居西方他鉢在位十年病且卒謂其子菴羅曰吾聞親莫過父子吾兄不親其子委位於我：死汝當避大邏便也及他鉢卒國中將立大邏便以其母賤衆不服菴羅母貴突厥素重之揖圖最後至謂國中曰若立菴羅者我當率兄弟以事之如立大邏便我必守境利刃長矛以相待矣揖圖長而且雄國人皆憚莫敢拒者竟立菴羅為嗣大邏便不得立心不服菴羅每遣人詈辱之菴羅不能制因以國讓揖圖國中相與議曰四可汗之子揖圖最賢因迎立之號伊利俱盧設始波莫荷可汗一號沙鉢畧治都斤山菴羅降居獨雒水稱第二可汗隋開皇中卒揖圖以其子雍虞閭性悞遣令立其弟葉護處羅侯雍虞閭遣使迎處羅侯將立之處羅侯曰我突厥自木杆可汗以來多以弟代兄以庶奪嫡夫先祖之法不相敬畏汝當嗣位我不憚拜汝也雍虞閭又遣使謂處羅侯曰叔與我父共根連體我是枝葉寧有我作王令根本反同枝葉令叔父之尊下我卑稚又亡父之命其可廢乎願叔勿疑相讓者五六處羅侯竟立是為葉護可汗以雍虞閭為葉護遣使上表言狀隋高祖賜之鼓吹幡旗後虞羅侯西征

阿波中流矢而卒其衆奉虞雍間為主是為頡伽施多。那都藍可汗都藍開皇末為麾下所殺是時沙鉢子染干弼突利可汗尚義成公主拜染干為竟利珠豆啟民可汗華言意智健也於朔方築大利城以居之大業十年啟民朝於東都是歲疾終煬帝為之廢朝三日立其子咄吉世是為始畢可汗唐武德二年卒其子什鉢苾以年幼不堪嗣位立為泥步設使居東偏直幽州之北立其弟俟利勿設是為處羅可汗尚義成公主三年處羅死義成公主以其子奧射設醜弱廢不立之遂立處羅之弟咄苾是為頡利可汗頡利以始畢之子什鉢苾為突利可汗頡利貞觀四年寇邊為行軍副總管張寶相所擒送於京師突利來奔乃封為北平王拜順州都督遣帥部衆還蕃五年徵入

朝至并州道病卒子賀邏鶻嗣

西突厥者木杆可汗之子大邏便也與沙鉢畧有隙因分為二大邏便為處羅侯所執其國立鞅素特勒之子是為泥利可汗泥利卒子達漫立弼泥撥處羅可汗隋大業中從煬帝征高麗賜號為昌薩那可汗唐武德中來奔為北突厥使人所殺初薩那之朝隋也國人立薩那之叔父曰射匱可汗射匱卒弟卒統葉護可汗代立統葉護為其伯父所殺而自立是為莫賀咄侯突屈利俟昆可汗俟昆先分統突厥種類為小可汗及此自稱大可汗國人不附弩矢畢部共推泥孰莫賀設為可汗泥孰不從時統葉護之子啞力特勒亡在康居遂迎之立是為乙昆沙鈔邏肆葉護可汗泥孰遂適焉耆肆葉護卒國人迎泥孰於焉

者而立之是為吐陸可汗泥孰卒其弟同娥設立是為沙鉢羅
咥利失可汗咥利失為其統吐屯所襲國人欲立谷設為乙昆
咥陸可汗咥利失奔鎩汗而死弩失畢部落酋帥迎其弟伽那
之子薄布特勒立之是為乙昆沙鉢羅葉護可汗唐貞觀十五
年吐陸可汗為部下所廢遣使詣闕請立可汗太宗遣使齎璽
書立莫賀乙毗可汗之子是為乙昆射匱可汗尋為葉護阿史
那賀魯所併顯慶二年既平賀魯三年詔置崑陵濛池二都督
府乃丹阿史那彌射為興昔可汗兼崑陵都護阿史那步真為
繼往絕可汗兼濛池都護乾封二年二可汗既死餘衆附于吐
蕃調露元年以碎葉龜茲于闐疏勒為四鎮垂拱元年以步真
左玉鈐衛將軍阿史元慶襲其父興昔亡可汗二年以彌射子
右玉鈐衛將軍阿史那斛瑟羅繼父往絕可汗聖歷中突騎施
首領啞祿州都督烏質勒移衙於碎葉則天授以瑤池都督神
龍中烏質勒死子婆葛代立仍封金河郡王俄為默啜所煞其
部將蘇祿鳩聚衆至二十萬自立為可汗開元十三年詔冊蘓
祿為忠順可汗二十六年為莫賀咥達于所殺其別部都摩友
立蘓祿之子吐火仙為可汗二十九年以斛瑟羅之孫懷道之
子昕為可汗遣之天寶元年昕至碎葉西南俱蘭城為莫賀咥
所殺詔立其酋長為伊地米里骨咥祿昆伽可汗十三年又別
冊黑姓種伊羅密施有咥祿昆伽突騎施可汗自至德年後
部落衰弱分為二部各立可汗旋又篡奪因而分散鐵勒木
奴別種隋初屬西突厥大業中部人共推契苾哥楞為易胡貞

莫賀可汗又以薛延陀乙失鉢為也啞小可汗其後西突厥遺
可汗強盛延陀契苾二部並去可汗之號以臣之唐貞觀二年
乙失鉢之孫夷男帥其屬攻頡利可汗大破之頡利北諸姓多
叛頡利歸于夷南共推為主太宗拜夷男為貞珠毘伽可汗夷
男卒少子肆葉護襲位是為頡利俱利薛婆多弥可汗其下不
附太宗使江夏王道宗討平之列為州縣其後薛延陀西道之
衆共推夷男子咄摩友為伊特勿汗_夫可汗二十二年契苾迴紇
等十餘部落歸國太宗因其土地置為州府拜其酋長為都督
刺史

迴紇本匈奴之裔唐初有時健侯斤死子菩薩部落以為賢而
立之貞觀二十年太宗以其部為瀚海府拜其侯利發吐迷度
為都督時吐迷度已自稱可汗二十二年吐迷度為其姪烏紇
所煞其子婆閏立顯慶中累加左衛大將軍兼瀚海都督龍朔
中婆閏死姪比粟毒主領迴紇永隆中獨解支證聖中伏帝匄
開元中承宗伏帝難皆繼為酋長皆受都督號以統蕃州天寶
初其酋長葉護頡利吐發遣使入朝封奉義王三載擊破拔悉
密自称骨吐綠毘伽關可汗五載又遣使入朝因冊為懷仁可
汗六載卒子磨延啜立國人號為葛勒可汗乾元三年葛勒卒
長子葉護先被殺乃立其少子移地健是為登里可汗寶應二
年冊為登里頡吐登密施舍俱錄英義建功毘伽可汗大曆十
四年為其相頓莫賀所殺頓莫賀自立號為合骨吐祿毘伽可
汗貞元四年冊為天親可汗五年改紇為鶻從其請也是年天

親可汗卒子多羅斯立國之謂之判官特勒詔冊為登里邏沒
密施俱錄忠貞毘伽可汗六年四月忠貞可汗為其次相所殺
立其子阿啜為可汗七年詔冊為奉誠可汗十年奉誠可汗卒
無子國人立其相骨吐祿將軍詔冊為滕里邏羽祿祿密施合
胡祿骨吐毘伽懷信可汗骨吐祿將軍本姓跌跌少孤為迴鶻
大首領所養奉誠既無嗣國人因奉為主永貞元年懷信可汗
卒詔冊其王為愛登里邏泊德沒施俱錄毘伽可汗六年卒七
年詔冊其王為君登里邏骨德密施合毗伽可汗十一年卒詔
冊其王為愛登里邏泊沒密施合毘伽保義可汗長慶元年卒
詔冊其王為君登里邏羽祿密施合勾主祿毘伽可汗太和六
年為其下所殺其從子胡特勒立詔冊為可汗開成四年自殺

國人立勿篤公為哥峒可汗會昌初其國為黠戛斯所侵餘眾
奔歸吐蕃處甘州之地後唐同光二年其國權知可汗仁美遣
使貢方物莊宗冊仁美為英義可汗其年仁美卒其弟狄銀立
阿咄欲立並遣使朝貢天成三年其國權知可汗仁裕遣使入
貢明宗冊仁裕為順化可汗晉天福四年冊為奉化可汗

契丹其君長姓大賀氏唐貞觀二十二年蕃長窟哥內屬授松
模都督封無極縣男賜姓李氏其曾孫楷莫離則天時封歸順
郡王萬歲通天中窟哥之裔李盡忠為松漠都督盡忠死開元
三年封其從父弟失活為松漠郡王六年失活死從父弟娑固
代統其眾遣使冊立仍令襲其官兄爵娑固為其下所殺立其
從父弟鬱干為主玄宗乃令立冊鬱干令襲娑固官從十一年

鬱于死弟吐于代統其衆襲兄官爵吐于与大臣可突于相猜
來奔可突于立盡忠弟邵固為王改封廣德郡王十八年可突
于殺邵固降于突厥二十三年契丹衙官李過折殺可突于傳
首東都詔封過折為北平郡王其年過折為可突于餘党泥禮
所殺會昌二年新立王名屈戌咸通末其王曰習爾之光啟中
其王曰欽德有別部酋長阿保機自稱國王後唐天祐末僭稱
皇帝天成元年阿保機卒偽謚曰大聖皇帝保机凡三子長曰
人皇王突欲即東丹王也次曰元帥太子即德光也幼曰安端
少君其母述律氏令德光權王牙帳令安端少君往渤海國代
突欲將立為嗣而德光素為部族所伏又其母亦嘗鍾愛故因
而立之漢高祖即位初德光卒東丹王突欲子凡欲立為天授

皇帝周太祖廣順元年九月偉王子太寧王與燕郡王耶律述
軋殺凡欲并其妻於帳下時德光子述律王子討太寧之乱諸
部首領共推為國主偽號天順皇帝

奚本匈奴之別種唐貞觀末酋長可度者内属太宗置饒樂府
以可度者為都督封樓煩縣公賜姓李氏開元三年封其首領
李大輔為饒樂郡王八年大酺率兵救契丹戰死其弟魯蘊嗣
立十年詔令嚴其兄官爵十四年改封奉誠二十八年為契丹
衙官可突于所脅走投榆關二十年酋長李詩以其部落五千
帳來降封詩為歸義王充歸義州都督元天寶五載又封其王娑
固為昭信王仍授饒樂府都督元和元年其王梅落來朝二年
以奚首領索低為檀薊兩州游奕兵馬使天祐初首領曰去諸

去諸卒子掃刺代立後唐莊宗破幽州賜掃刺姓名李紹威天
成四年卒子素姑代立清泰三年其首領達刺干遣通事介老
奏其王素姑謀叛欲附契丹已處直訖見權知部落黑水鞞漢
武帝三年其部酋長突地稽遣使朝貢以其部置燕州拜突厥
地稽為總管貞觀初有功賜姓李氏封耑國公突地稽卒子謹
行嗣封燕國公

渤海靺鞨唐聖歷中高麗別種大祚榮自立為振國王先天二
年冊拜渤海郡王仍以其所統為忽汗州加授忽汗州都督開
元七年祚榮卒元宗遣使冊立其嫡子桂婁郡王大武藝嚴父
為左驍衛大將軍渤海王忽汗州都督九姓燕然都督二十五
年武藝病死其子欽茂嗣立詔嚴其父官爵寶應元年進封國

王欽茂卒其子嵩璘嗣貞元十一年二月令內常侍殷志瞻將
冊書冊為渤海王忽汗州都督元和四年嵩璘卒子元瑜嗣元
瑜卒弟言義權知國務八年正月封言義為國王十三年遣使
告哀詔以知國務大仁秀為國王太和五年仁秀卒以權知國
務大彛震國王梁開平元年其王曰大謹謨

却之而不受慮嗜好之無極懼德志之或喪美哉旅葵之篇召
公之訓詳矣要荒之外羈縻不絕織皮崑崙大禹以之卽叙越
裳重譯姬文形於德讓亦以其忽畧無嘗非上威服而來其貢
物故肅慎之不貢楛矢亦嘗其詰焉

夏后卽位七年于夷來賓
少康卽位三年方夷來賓
周武王克商西旅獻獒太保作旅葵以誠王自是通道九夷百
蠻使各以其方賄來貢使無忘職業於是肅慎貢楛矢石弩長
尺有咫

后芒卽位三年九夷來御

周公居攝六年制禮作樂天下和平交趾之南有越裳國以三

象重譯而獻白雉曰道路悠遠山川阻深音使不通故重譯而
朝成王以歸周公曰德不加焉則君子不饗其質化不施焉
則君子不臣其人吾何以獲此賜也其使請曰吾受命吾國之
黃芎曰久矣不下之無烈風雷雨意者中國有聖人乎則盍往
朝之周公乃歸之於王稱先生之神致以薦於宗廟周德既衰
於是稍絕

成王既代東夷肅慎未朝

宣王時追貌之國未貢故韓奕之詩曰獻其貌皮赤豹黃羆
漢文帝元年使陸賈賜南粵王佗書賈至南粵佗恐乃頓首謝
願奉明詔長為藩臣奉職貢謹北面因使者獻白璧一雙翠鳥
千犀角十紫貝五百桂蠹一器生翠四十雙孔雀二雙昧死再

拜以聞皇帝陛下
武帝始遣使至安息國其國因發使隨漢使者來觀漢地以大
烏及印黎斡眩人獻於天子大說又帝令張騫使烏孫騫既致
賜諭指曰烏孫能東居故地則漢遣公主為夫人結為昆弟共
拒匈奴不足破也烏孫遠漢未知其大小又近匈奴服屬日久
其大臣皆不欲徙昆莫年老國分不能專制乃發使送騫因獻
馬數十匹報謝其使見漢人衆富後歸其國其國後乃益重漢
元狩二年南越獻馴象能言鳥
天漢元年正月匈奴歸漢使者使使未獻
二年秋渠黎六國使使貢獻
宣帝神爵二年匈奴掘行胸鞬單于立復修和親遣弟伊酋若

王勝之八漢獻見

四年五月匈奴單于遣弟呼晉若王勝之來朝
甘露九年冬匈奴單于遣弟左賢王朝賀

三年匈奴單于亦遣使奉獻漢遇之甚厚

四年匈奴呼韓邪單于俱遣使朝獻漢待呼韓邪使有

加

成帝河平元年單于遣右臯林王伊邪莫演等奉獻朝正月
平帝元始元年春正月越裳氏重譯獻白雉一黑雉二詔使二
公以薦宗廟

二年日南之黃友國來獻犀牛
後漢光武初公孫述據益州夜郎大姓龍傳尹董氏保境為漢

乃遣從番禺江奉貢帝嘉之並加褒賞
建武六年匈奴遣使來獻使中即將報命

八年十二月高句麗王遣使奉貢

十三年九月日南徼外蠻夷獻白雉兔

十四年莎車國王賢與鄯善王安並遣使詣闕貢獻於是西域始通葱嶺以東諸國皆屬賢

是年匈奴遣使奉獻使中即將報命

十七年十二月莎車國遣使貢獻

二十年韓人廉斯人蘇馬鞞等詣樂浪貢獻

二十五年南匈奴單于復遣使詣闕奉藩稱臣獻國珍寶求使者監護遣侍子修舊約

是歲夫餘王遣使貢獻遼西烏桓大人菽且等九百二十二人

卒衆向化詣闕朝貢獻奴婢牛馬及弓虎豹貂裘

三十年鮮卑大人於仇責率衆人詣闕朝貢

三十一年北匈奴遣使奉獻

中元二年東夷倭奴國王遣使獻使人自稱大夫倭國之極南

界也

明帝永平十七年西南夷哀牢儋耳僬僂槃木白狼動黏諸種前後慕義貢獻

章帝元和元年正月日南徼外蠻夷宛不事人邑蒙獻生犀白

雉

章和元年月氏國遣使獻扶拔獅子

和帝以章和二年二月即位十月安息國遣使獻獅子扶拔
永平元年北單于弟右温禺鞞王奉奏貢獻

六年正月永昌徼外夷敦忍乙王莫延慕義遣使譯獻犀牛大
象

九年正月永昌徼外蠻及揮國王壅繇調遣重譯奏國珍寶

十年十二月燒當羌豪迷唐等率種人詣闕貢獻

十三年十一月安息國王滿屈遣使獻獅子及條枝大爵時謂
之安息爵

十六年十一月北匈奴遣使稱臣貢獻

煬帝以元興元年十二月即位是月北匈奴遣使稱臣詣燉煌

奉獻

安帝永初元年三月永昌徼外僬僂夷貢獻內屬

十月倭國王師升等遣使奉獻口百六十願請見

三年正月高句麗遣使貢獻

元初二年正月蜀郡青衣道夷奉獻內屬

永寧元年十二月永昌徼外遣使朝獻

是月揮國王壅繇調復遣使者詣闕朝賀獻樂及幻人

是歲夫餘王遣子詣闕奉獻

延光元年二月夫餘王遣使貢獻

十二年九真徼外蠻夷貢獻內屬

三年七月日南徼外蠻夷帥詣闕貢獻

順帝永建二年三月疏勒國臣盤遣使奉獻

六月西域長史班勇燉煌太守張卽討焉耆尉黎危須三國破之並子貢獻

四年拘彌國遣使貢獻

五年正月疏勒王侍子及大宛莎車王皆奉使貢獻

六年二月于闐王遣侍子貢

十二月日南徼外葉護國揮國遣使貢獻

是月于闐王遣侍子詣闕貢獻

陽嘉二年六月疏勒國獻獅子封牛

漢安二年二月鄯善國遣使貢獻

桓帝延嘉二年天竺國王獻其國和帝時數遣使貢

獻後西域反叛乃絕至是從日南至徼外未獻

九年九月大秦國王遣使奉獻漢世唯一通焉

四年十月天竺國十二月夫餘王並遣使來獻

靈帝建寧九年燒當羌奉使貢獻

熹平二年十二月日南徼外國重譯貢獻

三年正月夫餘國遣使貢獻

光和六年正月日南徼外國重譯貢獻

獻帝建安七年于闐國獻馴象

延康元年濊貊扶餘單于焉耆于闐王各遣使貢獻

魏文帝黃初元年鮮卑步度根遣使獻馬

三年二月鄯善龜茲于闐王各遣使奉獻

五年鮮卑步度根詣闕貢獻厚加賞賜是後一心守邊不為寇

明帝太和三年十二月大月氏王波調遣使奉貢

五年四月鮮卑附義王軻比能卒其種人及丁零大人而禪詣
幽州貢名馬詔林禽單于馬首七圍王各並封貢
青龍四年五月肅慎氏貢楛矢

景初元年七月遣幽州刺史毋丘儉率衆軍討遼東右北平烏
丸單于寇婁敦遣弟阿羅奚等詣闕朝貢

二年六月倭女王遣大夫難升米等詣郡求謁天子朝獻太守
劉夏遣使送詣京都奉獻

三年二月西域重譯獻火浣布詔大將軍太尉臨試以示百僚
齊王正始元年春東倭重譯納貢焉耆危須諸國弱水南鮮卑

名王皆遣使奉獻

四年十二月倭國女王倭婢彌呼遣使大夫伊聲耆掖邪狗等八
人上獻生口倭錦絳青縑絲衣帛布丹水附短弓矢

八年倭國女王一與遣大夫掖邪狗等詣臺獻一男女生口三
十人貢白珠五千枚青大句珠二枚異文雜錦二十匹

陳晉王景元二年七月樂浪外夷韓濊貊各率其屬來朝貢

三年四月遼東郡言肅慎國遣使重譯入貢獻其國弓三十張
長五尺五寸楛矢長一尺八寸石弩三百枚皮骨鐵雜鎧二十
領貂皮四百枚

吳孫權赤烏六年十二月扶南王范族遣使獻樂人及方物

晉武帝泰始元年倭人國女王遣使重譯朝獻扶南國亦遣使

左貢其
石砮

咸康二年高句驪遣使貢方物

六年十月林邑獻馴象

康帝建元元年高句驪遣使朝獻百餘

後秦姚萇時二城故曹寅王達獻馬三千疋

前凉張重華時龜茲國遣使貢方物

南燕慕容盛長樂中高句麗王安遣使貢方物

北燕馮跋時蠕大但遣使獻馬三千疋羊萬口

宋高祖永初二年林邑王范陽邁遣使貢獻

少帝景平元年三月高麗國遣使朝貢

二年高麗國遣使貢獻

文帝元嘉五年天竺迦毘梨國王月受遣使奉表獻金剛指環

摩勒金環諸寶物赤白鸚鵡各一

六年七月百濟王西河王河南國遣使獻方物

七年倭國王訶羅他國林邑國獅子國遣使獻方物

是歲訶羅單國遣使獻金剛指環赤鸚鵡烏天竺國白氎古貝

葉婆國古貝等物表其語畧同佛經

九年河南王西河王並遣使獻方物

十年林邑王閻波洲訶羅單國並遣使獻方物

十一年林邑國扶南國訶羅單國並遣使獻方物

十二年師子國扶南國訶羅單國並遣使獻方物是年闍婆鈔

達國國王師梨婆達訶陀羅跋摩遣使奉表曰宋國大主大吉

天子足下教化一切種智安穩天人師降伏四魔咸等正覺轉尊法輪度脫衆生我雖在遠亦霑靈潤

十三年高麗國武都王遣使獻方物

十四年河南西河王訶羅單國並遣使獻方物

十五年武都王河南王林邑國高麗國並遣使獻方物

十七年武都王河南王百濟國遣使獻方物

十八年肅特國高麗蕪摩黎國林邑國並遣使獻方物是歲斤

陀利國王釋婆羅那遣長史竺留陀及多獻金銀寶器

十九年婆皇國芮芮國並遣使獻方物

二十年河西國高麗國百濟國倭國並遣使獻方物

二十六年婆皇國婆達國並遣使獻方物

二十七年百濟國遣使獻方物

二十八年婆皇國河南王高麗國婆達國並遣使獻方物

二十九年訶羅單國遣使獻方物

孝武帝孝建二年槃槃國斤陀利國高麗國婆皇國河南國遣

使獻方物

大明二年河南王高麗國林邑國並遣使獻方物

三年婆皇國高麗國並遣使獻方物肅慎國重譯獻楛矢石砮

西域獻舞馬

四年宕昌王倭國並遣使獻方物

五年河南王遣使獻方物

六年高麗國遣使獻方物

七年芮芮國百濟國並遣使獻方物

八年婆皇國遣使貢獻

明帝泰始二年天竺迦毘梨國遣使貢獻

恭豫元帝林邑國遣使獻方物

後廢帝元徽元年河南王婆梨王並遣使獻方物

二年芮芮國遣使獻方物

三年河南王高麗國並遣使獻方物

順帝昇明元年倭國遣使獻方物

二年倭國高麗國芮國並遣使獻方物

南齊太祖建元元年五月河南王吐谷渾拾寅迦羅國王荷知

並遣使貢獻

二年三月百濟王牟都遣使貢獻九月蠕蠕遣使朝貢

三年十二月高麗王樂浪公高璉遣使貢獻

武帝永明二年八月扶南王僑陳如闍邪跋摩奉啟日天竺道

人釋那迦仙從中國來此仰序陛下聖德仁治詳議風化佛法

興顯衆化殷集法事日盛王威嚴整朝望國範慈愍蒼生八方

六合莫不歸伏如聽其所說則化隣諸天非可為喻臣聞之下

情踊悅若躉奉見尊足仰慕慈恩澤流小國天垂所載率土之

民並得皆蒙恩祐具以臣今遣此道人釋那伽仙為使上表問

訊奉貢微獻呈臣等赤心弁別陳下情但所獻輕陋愧懼唯深

伏願天慈曲炤鑒其丹凝賜不垂責今獻金鏤龍王坐像一軀

白檀像一軀牙像一軀牙塔二軀古貝二雙瑠璃蘓釐二口磻

瑁攬柳样一枚並獻壽章

九年五月林邑國遣使獻金簾

明帝建武三年高麗王樂浪公遣使貢獻

梁高祖天建元年八月林邑國遣使獻方物是年于陀利國天
天建元年八月林邑國遣使獻夢見一僧謂之曰中國今有聖
主十年之後佛法大興汝若遣使貢奉敬禮則土地豐樂商旅
百倍若不信我則境土不得自安修陀羅王未能信既而夢此
僧曰汝若不信我當與汝往觀之乃於夢中未至中國拜覲天
子既覺心異之陀羅本工畫乃寫夢中所見高祖容質飭丹青
仍遣使并畫工奉表獻玉盤芋物

二年七月龜茲國遣使獻方物扶南王遣使送珊瑚佛像并獻
方物天竺國王屈多遣長史竺羅達奉表曰伏聞彼國據江傍
海山川周固衆妙悉備莊嚴國土猶如化成宮殿莊飭街巷平
坦人民克滿歡娛安樂王出遊四兵隨從聖明仁愛不害衆生
國中世民循行正法大王仁聖化之以道慈悲羣生無所遣却
嘗修淨戒式導不及無上法船沉溺以濟百姓氓庶受樂無忘
諸天護持萬神侍從天魔降服莫不歸仰主事端嚴如日初出
仁澤普潤猶如大雲於彼震旦最為殊勝臣之所住國土首羅
天守護令國安樂王王相承未曾斷絕國中皆七寶形像衆妙
莊嚴臣自循簡如化王法臣名屈多奕世王種惟願大王聖體
如平今以此國羣臣民庶山川珍重一切歸屬五體投地歸誠
大王使人竺達多繇來忠信是故今故遣大王若有所須珍奇

異物悉當奉送此之境土便是大王之國王之法令善道悉當承用願二國信使往來不絕此信返還願賜一使具宣聖命脩悉勅宜款至之誠望不空返所白如允賜加采納今奉獻琉璃唾壺雜香古貝等物

三年九月北天竺國遣使奉獻方物

四年四月宕昌國王梁彌博獻甘草當歸

五年七月鄧至國王象舒彭遣使獻黃耆四百斤馬四匹

九年四月林邑國遣使獻白猴一

是年于闐國遣使獻方物

十年十二月宕昌國遣使獻方物

是歲扶南王遣使貢獻

十一年三月高句麗四月百濟扶南林邑國六月宕昌國並遣

使獻方物

十三年四月林邑國八月扶南國並遣使獻方物于闐國獻波

羅婆步障

是年河南國王遣使獻金裝馬瑙鐘二口又表于益州立九層

佛寺詔許之

十四年四月芮芮國遣使獻方物

九月狼牙脩國王婆伽達多遣使阿撒多奉表曰大吉天子足

下離淫怒癡哀愍衆生慈心無量端嚴相好身光明朗如水中

月普炤十方眉間白豪其白如雪其色炤耀亦如月光諸天善

神之所供養以垂正法寶焚行衆生莊嚴都邑城閣高峻如乾

隋山樓觀羅列道途平正人民熾盛快樂安穩著種種衣猶如
天服於一切國為極尊勝天主愍念羣生人民安樂慈心甚廣
律儀清淨正法化治供養三寶名稱宣揚布滿世界百姓樂見
如月初生譬如梵王世界之主人天一切莫不歸依敬禮大吉
天子足下猶如現前忝承先業慶嘉無量今遣使問訊大意欲
自性復畏大海風波不達今奉薄獻願大家曲垂納領
十五年四月高麗國八月芮芮國並遣使獻方物河南國遣使
獻使舞龍駒

其年滑國王厭帶夷粟陀始始遣使獻方物

十六年三月河南王八月扶南王遣使獻方物

是月婆利國遣使奉表曰伏承聖王信重三寶興立塔寺較飭

莊嚴周遍國土四衢平坦清淨無穢臺殿羅列狀若天宮莊麗
微妙世無與等聖主出時四兵具足羽儀導從布滿左右都人
士女麗服光飾市廛豐富充足寶珍王法清整無相侵奪學徒
皆至三乘競集敷說正法雲布雨潤四海流通交會萬國長江
渺漫清冷深廣有生成資莫能消滅陰陽和暢災厲不作大梁
揚都聖王無等臨覆上國有大慈悲子育萬民平等忍辱怨親
無二加以周窮無所藏積靡不矧燭如日之明無不受樂猶如
淨月宰輔賢良羣臣貞信盡忠奉上心無異想伏惟皇帝是我
貞臣是婆利國主今敬稽首禮聖王足下惟願大王知我此心
此心久矣非適今也山海阻遠無緣自達故遣使奉金席等表
此丹誠正臣下朝臣國柱

十七年五月于阗國鉢邪跋摩遣長史毘員跋摩奉表曰嘗
勝天子陛下諸佛世尊嘗是名如來應供正覺遺形舍利名如
來應供正覺遺形舍利造諸塔像莊嚴國土如須彌山邑居聚
落次第羅滿城郭館宇如切利天宮具足四兵能伏怒敵國土
安樂無諸患難人民和善受化正法慶無不通猶雷處山流注
雪水八味清淨百川洋溢周迴屈曲趨大海一切衆生成得受
用於諸國土殊勝第一是名震旦大梁揚都天子仁應四海德
合天心雖人是天降生護世功德寶藏救世大悲為我尊主威
儀具足是故至誠敬禮天子足下稽首問訊奉獻金芙蓉雜香
藥等願垂納受

十八年七月于闐國獻琉璃瑠玕

普通元年正月扶南高麗國各遣使貢朝

三月滑國王獻帶夷粟陀始遣使獻黃獅子白貂裘波斯錦等
物周古柯國滑旁小國也使使隨滑來獻方物呵跋檀國亦滑
旁小國也使使隨滑來獻方物胡密丹國亦滑旁小國也使使隨
滑使來獻方物

四月河南王遣使獻方物

是年于阗國復遣使獻方物

三年十一月百濟國遣使朝貢

三年八月婆利國白題國各遣使獻方物

是年婆利國王頻伽遣使珠具智獻白鸚鵡青蟲兜鍪瑠璃器
吉貝螺杯雜香藥等數十種

四年十二月狼牙脩國遣使獻方物

五年末國主安未深盤遣使來貢獻

七年正月滑國二月河南王三月高麗國六月林邑並遣使獻

方物

大通元年三月林邑國獅子國十一月高麗國王並遣使獻方物

是年盤盤國王使使奉表曰揚州閩浮提震旦天子萬善莊

嚴一切恭敬猶如天淨無雲明耀滿月天子身心清淨亦復

如是道俗濟濟並蒙聖王先化濟度一切永作舟航要聞之

慶善我等至誠敬禮聖天子足下稽首問訊今奉薄獻願垂

哀受

二年正月芮芮國並遣使獻方物

中大通元年二月芮芮國遣使獻方物

十二月盤盤國遣使獻牙像及埴獻并沉檀等香數十種

二年六月林邑國扶南國並獻方物

三年六月丹丹國遣使奉表曰伏惟聖王至德仁治信重三寶

佛法興顯衆僧殷集法事日盛威容嚴整朝望國軌慈愍蒼生

八方六合莫不歸服化鄰諸天非可言喻不任慶善若暫奉見

尊足謹奉送牙像及埴各二軀並獻火齊珠古貝雜香藥等

九月狼牙脩國奉表獻方物

四年四月盤盤國十一月高麗國並遣使獻方物

五年正月河南國七月波斯國九月盤盤國並獻使獻方物

六年三月百濟國七月林邑國並遣使獻方物

八年盤盤國復使送菩提國真舍利及畫塔並獻菩提樹葉麝糖等香

大同元年三月高麗國涓涓國薩丹國各遣使獻方物丹丹國遣使獻金銀瑠璃離寶香藥等物

四月波斯國七月扶南國並遣使獻方物

四年三月河南國芮芮國並遣使獻方物

五年八月扶南國遣使獻生犀及方物

六年五月河南王遣使獻馬及方物

八年八月盤盤國遣使獻方物

是年林邑國遣使獻方物

七年三月高麗國百濟涓涓國九月芮芮國遣使獻方物

是年于闐國獻外國刻玉佛

中大同元年八月竭盤陀國遣使獻方物

簡文太清三年十月百濟國遣使朝貢

太寶二年八月盤盤國獻馴象

新刊監本冊府元龜卷第九百六十九

四十六 外臣部

三十七 朝貢第二

陳高祖永定三年五月扶風國遣使獻方物

文帝天嘉二年十一月高麗國遣使獻方物

四年正月于阗國遣使獻方物

廢帝天康元年十二月高麗國獻方物

光大元年十月百濟國遣使獻方物

二年六月新羅國九月林邑國狼牙修國並遣使獻方物

宣帝太建二年六月新羅國十一月高麗國並遣使獻方物

三年五月遼東新羅丹丹天竺盤盤等國十月丹丹國並遣使

獻方物
三年五月扶南林邑國並遣使獻方物
六年正月高麗國遣使獻方物
九年七月百濟國遣使獻方物
十年七月新羅國遣使獻方物
十三年十月丹丹國遣使獻方物
後主至德元年十二月頭和國遣使獻方物
二年十一月盤盤國百濟國並遣使獻方物
三年十月丹丹國十二月高麗國並遣使獻方物
四年九月百濟國遣使獻方物
禎明二年六月扶南國遣使獻方物

後魏道武天興二年十二月禿髮鹿孤遣使朝貢
五年十二月禿髮儁遣使朝貢
明元永興五年正月頗拔大渠餘人詣闕奉貢賜以繒帛錦罽各有差

秦嘗八年四月車駕南巡至雒陽觀石經
太武神麌元年四月氏南秦王楊玄遣使朝貢
四年潤六月蠕蠕國遣使朝獻

延和元年十月吐谷渾慕瓚遣使朝貢
三年二月蠕蠕吳提遣其異母兄禿鹿傀及左右數百人朝貢獻

馬二千匹

十月蠕蠕國遣使朝貢

太延元年二月蠕蠕國馬耆車師諸國六月高麗鄯善國並遣使朝貢

八月粟特國遣使朝貢

二年八月東北高車國遣使方貢

三年二月高之契丹三月龜茲悅般馬耆車師粟特疏勒烏孫渴

槃陀鄯善諸國各遣使朝獻

十一月破維那者舌國遣使朝獻奉汗血馬

四年三月鄯善王弟素延耆來朝

五年四月鄯善龜茲疏勒焉耆諸國遣使朝獻

五年遮遜國獻汗血馬

十一月高麗國及粟特渴槃陀破那悉半居國各遣使朝貢

太平真君十一年十一月頗看國獻獅子一

文成興安元年十二月保達沙獵國各遣使朝獻

二年三月疏勒國八月渴槃國十二月庫莫奚契丹劉賓等十

餘國各遣使朝貢

興光元年九月庫莫奚國獻名馬一匹角狀如麟

十二月出于叱萬單國各遣使朝貢獻

太安元年六月遮遜國十月波斯疏勒國並遣使朝貢

二年十一月嚙唎普嵐國並遣使朝獻

三年正年粟特于闐國十二月于闐扶餘等五十餘國各遣使朝

貢

五年五月居嘗國遣使朝獻

和平元年十月居嘗王獻馴象一闕北緝晉五十七餘國各遣使朝

二年八月波斯國遣使朝獻

三年三月高麗薩王契噉思獻于疏勒石那悉居半渴盤陀諸國

各遣使朝獻

五年十二月吐呼羅國遣使朝獻

六年二月高麗從王對曼諸國各遣使朝獻

四月破維那國獻汗血馬普嵐國獻宝剑

獻文天安元年三月高麗波斯于闐阿襲諸國十月曹利彤昌

國各遣使朝貢

皇興元年二月高麗于闐庫莫奚具伏弗郁羽陵日連匹黎

于闐諸國九月高麗于闐普嵐粟特國各遣使朝獻

二年四月高麗庫莫奚契丹具伏弗郁羽陵日連延尔黎叱六手

悉萬丹阿大阿羽真侯于闐波斯等國十二月悉萬丹等十餘國

各遣使朝貢

三年二月蠕蠕高麗庫莫奚契丹國七月蠕蠕國並遣使朝貢

四年二月高麗庫莫奚契丹各遣使朝貢

孝文延興二年七月高麗國八月地豆于庫莫奚國並遣使朝

貢昌亭國遣使貢獻蜀馬

三年二月高麗契丹國四月契丹八月高麗庫莫奚國九月庫莫

奚國悉萬斤國十月悉萬斤國並遣使朝獻

四年正月粟特國遣使朝獻

二月吐谷渾拾寅遣子費斗斤八侍并獻方物

三月高麗吐谷渾曹利國五月蠕蠕國六月濶悉國七月高麗國

八月吐谷渾國九月契丹庫莫奚地豆干十一月吐谷渾國並遣

使朝獻

五年二月高麗國遣使朝獻

閏二月吐谷渾國月龜茲國並遣使朝獻

五月契丹庫莫奚國各遣使獻名馬

八月高麗吐谷渾地豆干諸國十月蠕蠕國並遣使朝獻勿吉國

遣使朝獻

承明元年春二月蠕蠕高麗庫莫奚波斯諸國五月蠕蠕國七月高

麗蠕蠕庫莫奚八月蠕蠕國九月高麗庫莫奚契丹宕昌悉萬

斤十一月蠕蠕國並遣使朝獻

太和元年二月高麗契丹庫莫奚國三月庫莫奚契丹國遣

使朝獻

四月蠕蠕國再遣使朝貢

九月蠕蠕車多羅高麗西天竺舍衛十月庫莫奚疊伏羅龜茲

諸國各遣使朝貢契丹國並遣使朝貢

十一月吐谷渾國栗提婆國十二月負濶吐谷渾國並遣使朝

貢

二年正月吐谷渾遣子朝獻

二月蠕蠕國遣使朝獻

七月龜茲國遣使獻名馳七十頭

八月勿吉國遣使朝獻

九月龜茲國遣使獻犬馬名駝珍寶甚衆

三年三月吐谷渾高麗國四月蠕蠕國並遣使朝獻吐谷渾國遣使獻猫牛五十頭

九月高麗吐谷渾國地豆于契丹庫莫奚蘇諸國各遣使朝獻
十二月粟特州逸河龔疊伏羅負濶悉萬斤諸國各遣使朝貢
四年三月蠕蠕國七月悉萬斤國並遣使朝貢

五年五月鄧至國十月蠕蠕國並遣使朝貢

六年二月地豆于國六月蠕蠕國十一月吐谷渾國並遣使朝貢

八年二月蠕蠕國十月高麗國遣使朝貢

九年三月宕昌國五月高麗國十月高麗吐谷渾國十二月宕

昌國高麗吐谷渾國等並遣使朝貢

十年三月蠕蠕國四月高麗吐谷渾國十二月勿吉國並遣使朝

貢

十一年四月吐谷渾國五月高麗吐谷渾國八月悉萬斤國並遣

使朝獻

十二年二月高麗國三月宕昌國四月高麗吐谷渾國六月宕昌

國並遣使朝貢

八月勿吉國貢楛矢石砮

九月吐谷渾宕昌國並再遣使朝貢

閏九月高麗國遣使朝貢

十三年二月高麗國三月吐谷渾國六月高麗國七月陰平國八

月宕昌國九月高麗國並遣使朝貢六月高麗國七月吐谷
十五年正月吐谷渾國三月悉萬斤等國五月高麗國七月吐谷
渾國九月吐谷渾國高麗宕昌鄧至諸國並遣使朝獻

十六年三月高麗鄧至國六月高麗國並遣使朝獻七月吐谷渾
世子賀虜頭來朝

八月高麗十月鄧至國並遣使朝獻

十七年正月勿吉國三月吐谷渾國五月宕昌陰平契丹庫莫奚
諸國六月高麗國並遣使朝貢

九月鄧至王像舒彭遣子白詣闕朝貢并奉表求以位授白詔許
之十二月陰平國遣使朝貢

十八年正月高麗國遣使朝貢七月又遣使朝貢

十九年三月鄧至國五月高麗吐谷渾國並遣使朝貢

二十一年五月衛大國十二月高昌國遣使朝貢

二十二年八月高麗國遣使朝貢

二十三年五月十一月高麗國再遣使朝貢

宣武景明元年七月吐谷渾國八月高麗國並遣使朝貢

二年正月高麗國十月吐谷渾國十二月高麗國並遣使朝貢

三年七月于闐國九月武興國世子楊紹先並遣使朝獻

是年疏勒罽賓婆羅捺烏菟阿喻陀羅婆不喻陀拔羅弗波女

提斯羅噠舍伏耆奚那大羅槃烏稽悉萬斤米居槃訶槃陀撥

斤厭味朱珍維南天竺持沙那斯頭諸國並遣使朝貢

四年四月南天竺國獻辟支佛牙

八月勿吉國貢楛矢

正始元年四月高麗國遣使朝獻

三年九月高麗蠕蠕國並遣使朝貢

二年正月鄧至國遣使朝貢

四年二月吐谷渾宕昌國並遣使朝獻勿吉國貢楛矢

三月疊伏羅四月吐谷渾鳩磨羅阿拔磨拔切磨勒悉萬斤諸

國六月杜蘭達那羅舍弥比羅直諸國八月契丹庫莫奚宕昌

吐谷渾諸國九月疏勒車勒阿駒南天竺婆羅等諸國十月高

麗半社悉萬斤可流伽比沙疏勒于闐等諸國又疏勒噉嚩波

斯渴槃陀渴文提不那伏柁杖提等諸國並三遣使朝獻十一

月阿與陀跋吐羅諸國十二月特那杖提沙鉢離阿失勒磨致

鉢鉢論波利伏佛胃善乾達諸國並遣使朝貢

永平元年二月勿吉國南天竺國三月斯羅陀阿比羅阿夷又

多婆那伽伽師達于闐諸國四月阿伏至羅國五月高麗國六

月高車國七月高契丹汗畔剌賓諸國八月吐谷渾庫莫奚國

九月蠕蠕國十二月高麗國並遣使朝獻

二年正月胡密步就磨怛密槃是悉萬斤辛豆那越拔怛高昌

諸國並遣使朝貢

是月噉嚩薄知國貢白象一

三月磨豆羅阿曜社蘇突閣地伏羅諸國五月高麗國六月高

昌國七月契丹國八月鄧至國高昌勿吉庚莫奚諸國十二月

疊伏羅弗菩提朝陀咤波羅諸國並遣使朝獻

三年二月高昌鄧至國三月高麗吐谷渾宕昌諸國閏六月吐
谷渾高麗契丹諸國七月吐谷渾國八月勿吉國九月烏長伽
秀沙泥諸國十月高車龜茲難地那竭庫莫奚等諸國十二月
高麗比沙杖國並遣使朝獻

四年正月阿悅陀不數羅國三月婆比幡彌烏長北地乾達諸
國六月乾達阿婆羅舍越伽使密不流沙諸國七月吐谷渾契
丹國八月阿婆羅達舍越伽使密不流沙等諸國並遣使朝獻
勿吉國獻楛矢

九月嚙唵朱居不波羅莫伽移婆僕羅俱薩羅舍弥罗樂陀等
諸國十月婆比幡彌烏莫比地乾達等諸國十一月宕昌國難
地伏罗國十二月大罗汗婆來伽國並遣使朝獻

延昌元年正月疏勒國三月渴槃陀國五月疏勒及高麗國七
月吐谷渾契丹國八月吐谷渾國十月嚙唵于闐高昌及庫莫
奚諸國並遣使朝獻

是年勿吉國貢楛矢

二年正月高麗國三月高昌國五月高麗嚙唵于闐槃陀及契
丹庫莫奚諸國九月勿吉吐谷渾鄧至十二月高麗國並遣使
朝貢

三年七月勿吉國九月吐谷渾契丹勿吉諸國十月庫莫奚國
十一月高麗國南天竺佐越費寔諸國並使朝獻

四年二月宕昌國七月蠕蠕國吐谷渾國宕昌國九月鄧至高
昌庫莫奚契丹諸國十月高麗吐谷渾國十二月高車國並遣

使朝貢
是年勿吉國貢楛矢

孝明熙平元年二月吐谷渾宕昌鄧至諸國四月高昌陰平國五月吐谷渾國七月宕昌高昌國並遣使朝獻

二年正月勿吉國地伏羅剌賓國二月契丹鄧至宕昌諸國三月吐谷渾國四月高麗波斯疏勒嚙唃諸國五月鄧至國七月地伏羅剌賓國八月契丹吐谷渾國九月吐谷渾國十二月蠕蠕國並遣使朝獻

是年勿吉國貢楛矢

神龜元年二月東益夷州氐及蠕蠕嚙唃高麗勿吉吐谷渾宕昌疏勒久未阤未久半諸國三月吐谷渾國四月舍摩國高麗

高車高昌諸國閏七月吐谷渾及波斯疏勒烏菴龜茲諸國八月勿吉國並遣使朝貢

二年二月吐谷渾宕昌國四月嚙唃國並遣使朝貢

正光元年五月烏菴國遣使朝貢閏月居密波斯國六月高昌國勿吉國八月伏羅國十一月高昌國並遣使朝貢

三年七月波斯不漢龜茲諸國十月吐谷渾國並遣使朝貢
四年二月宕昌國遣使朝貢蠕蠕後至俟厓伐來朝九月庫莫奚國遣使朝貢

五年二月嚙唃國五月嚙唃契丹地豆于庫莫奚諸國並遣使朝貢

孝昌元年十月蠕蠕國主阿那瓌遣使朝貢

二年二月疊伏罗国四月庫莫奚国並遣使朝貢

三年四月蠕蠕国遣使朝貢六月九月又遣使朝貢

孝莊永安元年六月嚙唎国獻獅子

出帝太昌元年六月高麗契丹庫莫奚蠕蠕嚙唎高昌等国十

一月蠕蠕国並遣使朝貢

永熙三年四年高麗契丹国六月吐谷渾而並遣使朝貢

東魏孝靜帝天平二年春高麗契丹並遣使朝貢

三年高麗勿吉並遣使朝貢

四年高麗蠕蠕並遣使朝貢

元象元年七月高麗遣使朝貢

二年蠕蠕国高麗勿吉並遣使朝貢

三年蠕蠕高麗勿吉並遣使朝貢

四年蠕蠕高麗吐谷渾並遣使朝貢

武定元年吐谷渾高麗蠕蠕並遣使朝貢

二年吐谷渾地豆于室韋高麗蠕蠕勿吉並遣使朝貢

三年高麗吐谷渾蠕蠕並遣使朝貢

四年至韋地豆于勿吉高麗蠕蠕並遣使朝貢

五年高麗勿吉並遣使朝貢

六年高麗室韋蠕蠕吐谷渾並遣使朝貢

七年蠕蠕地豆于室韋高麗吐谷渾並遣使朝貢

八月正月地豆于契丹四月蠕蠕並遣使朝貢

西魏文帝大統十一年塞酋侮勒特來貢其方物

北齊文宣帝天保元年六月高麗十月茹茹國吐谷渾十二月
茹茹庫莫奚國並遣使朝貢
二年二月茹茹國四月室常國五月高麗七月茹茹吐谷渾並
遣使朝貢

三年二月契丹四月室常國並遣使朝貢

四年正月庫莫奚並遣使朝貢

十二月帝討突厥突厥請降許之于是貢獻相繼

五年七月肅慎八月突厥並遣使朝貢

六年四月突厥五月茹茹十一月高麗十二月庫莫奚遣使貢

七年九月庫莫奚十月契丹並遣使朝貢

八月庫莫奚遣使朝貢

武成帝河清二年室常國庫莫奚靺鞨契丹並遣使朝貢

三年高麗靺鞨新羅並遣使朝貢

生主天統元年高麗契丹靺鞨並遣使朝貢

二年突厥靺鞨並遣使朝貢

三年十月突厥大莫婁室常百濟靺鞨等國各遣使朝貢

四年契丹靺鞨國並遣使朝貢

五年二月大莫婁國遣使朝貢

武平元年七月靺鞨遣使朝貢

三年新羅百濟勿吉突厥並遣使朝貢

四年高麗靺鞨並遣使朝貢

六年四月靺鞨遣使朝貢

後周明帝二年六月嚙達遣使獻方物

十二月突厥遣使獻方物

武成元年閏五月高昌遣使獻方物

武帝保定元年正月突厥吐谷渾高昌一月突厥宕昌五月突厥龜茲並遣使獻方物

三年三月宕昌遣使獻生猛獸二詔放之南山

四年五月突厥七月粟特並遣使獻方物焉遣使獻名馬

五年正月吐谷渾遣使獻方物十一月又遣使獻方物

天和二年五月突厥吐谷渾安息並遣使獻方物

四年七月突厥遣使獻馬

建德三年正月突厥遣使獻馬十一月于闐遣使獻馬

六年九月吐谷渾十一月百濟並遣使獻方物

十二月吐谷渾又遣使獻方物

宣政元年三月突厥十月百濟並遣使獻方物

六年三月突厥沙鉢略使貢方物

是年女國遣使朝貢

七年突厥沙鉢略使其子八貢方物

是年突都藍可汗遣其母弟儁但特勒獻于闐玉杖

八年突厥都藍部落大人相率遣使貢馬萬匹羊二萬口駝牛

各五百頭高麗百濟並遣使貢方物

十年七月吐谷渾十一月契丹遣使朝貢

十一年正月高麗二月吐谷渾四月突厥雍虞閭可汗五月高

麗十二月靺鞨並遣使貢方物

十二年春正月帝在仁壽宮突厥高麗契丹並遣使獻方物

是年吐谷渾靺鞨並遣使貢方物

十三年正月契丹奚靺鞨七月靺鞨並遣使貢方物

十五年五月吐谷渾六月林邑並遣使貢方物

十七年六月高麗七月突厥並遣使貢方物

十一月突厥遣使來朝

煬帝大業三年五月突厥啟民可汗遣子招特勒來

朝景寅又遣其兄子昆黎伽特勒來朝

六月吐谷渾高昌突厥莫何可汗並遣使貢方物

四年三月百濟倭赤土伽羅舍國並遣使貢方物

五年二月赤土國四月狄道黨項羗並遣使貢方物

是年高麗吐谷渾伊吾並遣使來朝

八月突厥沙鉢略可汗遣子庫舍特勒來朝

是年石谷遣使朝貢
六年三月倭國六月室韋赤土並遣使貢方物

七年二月百濟遣使朝貢並遣使貢方物
十年七月曹國百濟國並遣使貢方物

十一年正月突厥新國靺鞨畢大辭訶咄傳越烏那曷波臘吐
火羅俱慮建忽論靺鞨訶多沛汗龜茲疎勒于闐安國曹國何

國穆國畢衣密失范延伽折契丹等國並遣使朝貢

十二年二月真臘國婆利國並遣使貢方物附國饑汗挹恒末
國史國波斯漕國焉耆等國大業中並遣使朝貢

唐高祖初為唐主突厥遣使獻良馬郎位龜茲國王蘇伐敦馱
遣使來朝

武德元年五月突厥始畢可汗七月西蕃突厥闕可汗遣使貢

九月始畢又遣骨咄祿特勒來朝

二年二月吐谷渾遣使朝來

四月曷沙那可汗獻大珠是月始畢可汗七月西突厥葉護可

汗及高昌九月吐谷渾十月靺鞨首師突地稽遣使朝貢突稽

者靺鞨之渠長也隋大業中與兄瞞咄率其部內屬於營州瞞

咄死代總其眾拜遼西太守封扶餘侯朝煬帝於江都屬化及

之亂以其徒數百間行歸柳城至是通使焉

十一月吐谷渾黨項並遣使朝貢

是年高麗王高建武遣使來朝

三年正月三月西蕃突厥葉護可汗遣使朝貢

是年高昌王麴伯雅遣使來朝
五月六月突厥繼來貢方物
八月西爨十一月突厥並來貢方物

是年牂牁蠻首領謝隆羽遣使朝貢

四年正月突厥頡利可汗三月西突厥葉護可汗遣使朝貢

十月百濟遣使獻菓下馬

是月新羅句麗及西月二十二國並遣使朝貢

十二月昆明西南夷昆彌遣使朝貢先是隋文帝時遣使萬歲

平南寧至西洱河其國人來拒因獻明珠徑寸萬歲班師至是

雋州治中吉弘偉通南寧因至其國諭之遂使人朝自是以後

朝貢不絕

五年四月西突厥葉護可汗遣使獻獅子皮又八月遣使獻名

馬

十一月靺鞨渠帥阿固即來朝

是年突厥頡利可汗及高麗並遣使朝貢

六年二月林邑四月西突厥六月契丹酋帥孫敖曹十月新羅

十二月白簡白狗羗高麗突厥吐谷渾並使朝貢

是年真臘國遣使貢方物

七年二月契丹三月昆明五月百濟六月康國吐谷渾及西突

厥莫賀咄可汗七月百濟康國曹國並遣使朝貢靺鞨渠帥阿

固即來朝

六月高昌獻狗雌雄各一高六寸長一尺餘情甚能牽馬銜燭

云本出拂林中國有拂林狗自此始也
九月百濟遣使獻光明甲

是月吐谷渾十二月高麗國並遣使來貢方物
八年正月突厥頡利可汗三月吐谷渾四月林邑九月真臘國
叅朱國十一月新羅百濟並遣使朝貢

九年西突厥三月葉護可汗四月靺鞨六月葉護可汗七月新
羅並遣使朝貢
九月頡利可汗獻馬三千匹羊萬口不受

十一月頡利可汗十二月高麗百濟黨項並遣使朝貢唐國王
屈木友遣使獻名馬

太宗貞觀元年正月西突厥閏三月高昌吐谷渾等五月何國

康國六月新羅十月西突厥十一月新羅並遣使朝貢

二年四月西突厥遣使貢方物

九月高麗王建武遣使奉賀破突厥頡利可汗並上封越圖

十月林邑真臘叅半殊柰並遣使朝貢

十一月頡利可汗遣使貢馬牛數萬許

是年鐵勒遣朝貢

三年正月契丹渠帥來朝

二月高昌八月薛延陀九月高麗百濟新羅並遣使朝貢拔也

右僕骨內同羅奚等渠帥並來朝

十一月西突厥高昌十二月西趙夷子牂柯克州蠻靺鞨別部
並遣使朝貢契丹東謝渠帥來朝

是年雷國君長遣使貢方物室韋遣使貢豐豹貂自此朝貢不絕
四年二月薛延陀吐谷渾並遣使朝貢

五年林邑獻火珠狀如水精日正午時以珠承景取艾衣之即
火見云得於羅利國婆利國遣使隨林邑使獻方物

七月室韋九月薛延陀並遣使貢方物

十二月牂牁蠻謝龍羽遣使朝貢

是年龜茲國王蕪伐疊遣使獻馬自此朝貢不絕又東女國王

湯傍氏遣使入朝

五年九月百濟十月薛延陀十一月室韋倭黑水靺鞨並遣使

朝貢黨項白蘭渠帥奚契丹俟斤並來朝是年林邑獻五色鸚

鵝又獻白鸚鵡情識辨慧善於應答自此朝貢不絕

六年正月五月薛延陀遣使朝貢吐谷渾遣其名王來朝

六月契丹渠帥來朝

七月焉耆閏八月契丹奚十一月薛延陀室韋靺鞨十一月雪

山黨項百濟新羅並遣使朝貢

是年于闐國王尉遲屋密遣使獻玉帶帝優詔答之又烏羅渾

國君長遣使獻貂皮

七年正月契丹奚渠帥來朝

五月吐谷渾七月高昌九月盤盤國十月西突厥奚利苾咄陸

可汗並遣使朝貢

八年四月吐谷渾遣使朝貢室韋靺鞨渠帥並來朝十一月吐

蕃十二月石國高昌並遣使朝貢
九年正月西突厥同娥設二月于闐王焉耆四月薛延陀真臘
唱盤陀國閏月疏勒國五月吐火羅八月西突厥九月于闐室
韋薛延陀盤盤國十月虔月鴟十一月百濟十二月吐蕃西突
厥並遣使貢來朝方物

是年康國獻獅子
十年二月百濟焉耆于闐疏勒三月薛延陀八月甲子西突厥
十二月疏月朱俱波甘棠並遣使來朝
十一年六月蜀賓遣使獻舍利名馬

八月西蕃唃利始可汗遣使獻方物
十一月吐谷渾河源郡王慕容諾昌鉢獻牛羊萬三千頭薛延

陀遣子達度設頡利苾來朝

十二月百濟王扶餘璋遣太子隆來朝并獻鐵甲雕斧帝優勞之

是年康國獻金桃銀桃詔令植之於苑園

十二年正月僧高武令迦牟鳩密等四國遣使朝貢並南荒之

小國也朝中國自是始通衣服言音與林邑同俗

六月獨和羅國遣使貢方物南方荒外崑崙之類也八月吐谷

渾十月西突厥烏羅國喝羅國十一月安國並遣使貢方物迴

紇菩薩南國賀蘭山臨黃河遣使入貢

十三年二月波斯康國六月昆明國九月薛延陀並遣使朝貢

十月百濟遣使貢金甲雕斧

十四年正月延耆國三月流鬼國五月訶陵獨和羅蜀賓國並

遣使貢方物

是年高麗王遣其太子桓權來朝并獻方物

十五年二月盤盤國十一月甲午大羊同國並遣使貢方物

是年天竺國王尸羅逸多遣使朝貢帝復遣李義報使其王復

遣使獻大珠及鬱金香菩提樹

十六年春正月吐蕃于闐百濟高麗新羅康國龜茲吐谷渾曹

國賀國史國婆羅國曇陵叅半四月俱密國五月林邑國十一

月朱施國烏菴國遣使獻方物烏菴自古未通中國其王達摩

因陀訶斯遣使奉表曰大福德至尊一切王中上乘天寶車破

諸黑暗譬如帝釋能伏阿修羅王奴宿種善根得生釋種拜至

尊因獻龍腦香帝嘉其遠至降璽書以答慰之

是年蜀賓國遣使獻褥時鼠喙尖而尾赤能食蛇有被蛇螫者

鼠輒臭而尿之其瘡立愈

十七年正月朔薛延陀百濟高麗新羅吐谷渾康國女國閏六

月墮和羅國十一月吐蕃薛延陀新羅婆羅門同娥西蕃處般

啜等國各遣使獻方物

是年拂菻王婆多力遣使獻赤頗黎綠頗黎石綠金精等物陀

洹國遣使來朝

十八年正月朔吐谷渾薛延陀吐蕃高麗百濟新羅康國于闐

三月火解彌國十二月摩羅游國遣使獻方物

十九年正月庚午朔百濟太子扶餘康信延陀新羅吐谷渾吐

蕃契丹奚吐火羅葉護沙鉢羅葉護于闐同娥康國靺鞨雪等

遣使來賀各貢方物
二十年正月吐谷渾吐蕃高麗石國三月西蕃似槃國王瑟匿
國閏三月悉立國章求拔國俱蘭國並遣使貢獻章求拔國或
云章揭拔本西羌種也在悉立西南間悉立內附其王羅利多
菩伽遣使因悉立以朝獻後右衛率長史王玄策往西域為中
天竺所劫其王發兵赴之破賊有功自此職貢俱蘭亦名為俱
羅王表曰其如雪如珠如雲如月潔白高遠是丈夫枝清涼一
切如須彌山又如火海威力自在如那羅延如日光明大王中
王大漢國勝天子名流四海俱羅那國王忽提婆謹修禮拜
毛月吐蕃遣其大臣祿祿東贊奉表曰聖天子平定四方日月
所照之國並為臣妾而高麗恃遠闕於臣禮天子自領百萬渡
遼致討隳城陷陣指日凱旋夷狄纔聞天子發駕少選之間已
聞歸國鴈飛迅越不及陛下連疾奴忝預子壻喜百嘗夷夫鵠
猶鴈也故作金鵠奉獻其鵠黃金鑄成高七尺中可實酒三斛
是年五月天竺遣使貢方物

二十一年正月龜茲羊同石國吐蕃波斯康國吐谷渾並貢方
物二月阗洹國獻白鸚鵡毛羽皓素頭上有紅毛數十莖垂與
翅齊并五色鸚鵡各一及婆律膏

三月帝以遠夷各貢方物珍果咸至其草木雜物有異于嘗者
詔皆使詳錄焉葉護獻馬乳蒲桃一房長二丈餘子亦稍大其
色紫摩伽陀國獻菩提樹一名波羅葉似百楊康國獻黃桃大
如鵝卵其色黃金亦呼為金桃伽毘國獻鬱金香葉似麥門冬

九月色開狀如芙蓉其色紫碧香聞數十步華而不實欲種取
根蜀賓獻俱物頭花其花丹白相似香遠而聞伽失畢國獻泥
樓鉢羅葉類荷葉缺圓其花色碧而葉黃香芳數十步徒連獻
佛土葉一莖五葉花赤心中正黃而葉紫色泥鉢羅獻波稜菜
類紅藍實如蒺藜火熟之能益食味又有酢菜狀類慎火葉闊
朱雖少苦久食益人胡芹狀似芹而味香渾提葱其狀猶葱而
甘辛嗅藥其狀類凌冬而青收乾作末味如桂椒其根能愈氣
疾薛延陀獻拔蘭鹿屬毛而牛角大如麕西蕃突厥獻馬蹄羊
其蹄似馬波斯國獻活耨蛇形如鼠而色青身長八九寸能入
穴鼠西蕃吐陸可汗獻金卵餅鷲鳥也雕刻作禽獸而塗以黃
金西蕃胡國出石密中國貴之帝遣使至摩伽陀國取其法令

揚州煎諸薦之汁於中厨自造色味逾於西域所出前代或有
貢獻人皆不識及破高昌收馬乳蒲桃實於苑中種之并得其
酒法帝自損益造酒成凡有八色辛芳酷烈味兼緹盎既頒賜
羣臣京師始識其味八月骨利幹國遣使朝貢獻馬百匹尤駿
帝奇之各為製名號為十數其一曰勝白其二曰皎雪駿其三
曰凝露驄其四曰玄光驄其五曰決波駒其六曰飛霞驃其七
曰發電赤其八曰流金馱其九曰翔麟紫其十曰奔虹赤
十二月都播者部遣使朝貢播者鐵勒之別種也聞骨利幹來
通宣國威靈於是遣使
是年葱嶺墮婆登國龜茲國吐谷渾獻突沒皮突厥車鼻可汗
並遣使朝貢

二十二年正月朔結骨吐蕃吐谷渾新羅高麗吐火羅康國于
闐烏長波斯石國並遣使朝貢
三月焉耆國五月蜀賓盤盤國十二月吐谷渾河源王並遣使
朝貢
二十三年二月西突厥肆葉護可汗安國王並獻方物墮和羅
國遣使獻象牙火珠
三月西洱河大首領揚同外河東大首領欽松外蠻首領蒙羽
等來朝
高宗以貞觀二十三年即位八月吐谷河源郡王慕容諾曷鉢
獻馬牛
九月迦毘葉國遣使獻天鐵熊其力生擒白象獅子永徽元年
正月吐蕃遣使朝貢
五月吐火羅國獻大鳥高七尺其足如駝有翅而能飛行日三
五百里能敵銅鐵夷俗呼為駝鳥
二年八月大石國始遣使朝貢
十月真臘國獻馴象陀桓國遣使來獻
十二月蜀賓國遣使獻罽池鼠
是年春正月朔泥婆羅國遣使朝貢
三年春正月朔吐谷渾新羅百濟高麗並遣使朝貢八月吐谷
渾遣使獻名馬十月蜀賓國曹國十一月駿馬國並獻使朝貢
四年四月林邑國人諸葛地自立為王遣使貢方物馴象
七月吐谷渾獻名馬

十一月新羅遣使獻金縵布是月曹國蜀賓國並嗣王新立各遣使朝貢
五年四月蜀賓國曹國康國安國吐火羅國並遣使朝貢
五月林邑國獻馴象
八月吐蕃使人獻野馬百匹及大佛廬高五尺廣廣各三十七步九月吐谷渾遣使朝貢
十二月倭國遣使獻琥珀馬腦琥珀大如斗馬腦大如五升器
六年六月大石國監莫念並遣使朝貢
顯慶元年正月女國遣女使高霸梨文并其主男三虜等來朝
五年婆岸國遣使獻方物
十月新羅王遣其子右武衛將軍文王來朝

十二月高麗王高藏遣使奉表賀冊皇太子
二年正月唐中朔吐火羅國獻師子
六月瞻國博國遣使朝馴象犀牛
十二月吐蕃贊普遣使獻金城城上有獅子象駝馬原羝等並有人騎并獻金瓮金頗羅等
三年八月于私弗國王法施拔底舍利君國王失利提婆摩臘王施婆羅地多並遣使朝貢三國並南天竺屬也國皆絕遠未嘗與中國通至是沉海累月方達交州并獻其方物
四年十月緞夷國隨倭國使入朝
龍朔元年八月多菴國王摩如失利多福國王難修強宜說耽羅國王儒李都羅等並遣使來朝各貢方物三國皆林邑之南

邊海小國也

二年五月于弗國摩臘國三濮國哥羅舍分國修羅分國甘畢國並遣使獻方物哥羅舍分國在南海之南東接墮和羅國其王名蒲伽越摩精兵二萬人其使以顯慶五年發本國至是到京修羅分國居于南海之北木柵為城東至真臘國南至海其王名尸達摩提婆精兵二萬餘人甘畢國居於東海之濱東接林邑其王名旗施月摩精兵可五千人其使以龍朔元年發本國至是到京

乾封元年七月單單國訶陵國各遣使獻方物

二年十月波斯國獻方物

總章元年七月末陀提國遣使獻方物

二年八月林邑王鉢伽舍跋摩羅婆王稱達鉢等十一月倭國

並遣使獻方物

三年林邑獅子訶羅單單等並遣使朝獻

咸亨元年三月蜀賓國獻方物倭國王遣使賀並高麗

二年三月拔汗那五月吐火羅波斯康國蜀賓八月鳩密國王

尸利鳩摩富那國王尸利提婆跋摩各遣使來朝貢其方物

三年三月南天竺國各獻方物

四月吐蕃遣其大臣仲琮來朝

上元二年正月右驍衛大將軍龜茲王白素稽獻銀頗羅賜帛以答之拔汗那王獻碧頗黎及地黃

十二月丁亥龜茲王白素稽獻名馬

二年六月陸昆獻名馬素絲織品
九月新羅王金法敏遣使獻方物

儀鳳二年四月于闐獻方物
調露元年十月康國拔汗那護密各遣使朝貢

永隆二年五月大食國吐火羅國各遣使獻馬及方物

永淳元年五月大食國波斯真臘國九月石國十二月南天竺
及于闐國各遣使獻方物

則天垂拱二年三月林邑國遣使馴象

九年女國十二月敕律國並遣使朝貢

天授二年十月林邑國遣使獻馴象

三年三月東天竺國王摩羅拔摩西天竺國王尸羅逸多南天

竺國王遮婁其拔羅北天竺國王那那中天竺國王地摩西那

龜茲國王延繇拔並來朝獻

長壽元年九月罽賓國遣使朝貢

延載元年七月骨利汗遣使朝貢

證聖元年春一月林邑國貢戰象

四月林邑國遣使朝貢

萬歲通天二年四月安國獻兩頭犬

六月女國十月敕律國遣使朝貢

神功元年二月辛丑葱嶺國遣使貢方物

聖曆元年春正月真臘國四月疏勒王裴夷健臘月默啜並遣

使朝貢

二年二月新羅王金理供遣使貢方物

六月林邑國遣使獻馴象

八月突騎施烏質勒遣其子遮弩來朝

又視元年七月謝國貢方物

長安元年十二月佛誓國遣使貢方物

三年三月大食國遣使獻良馬

十月日本國遣其大臣朝臣貢人貢方物

十二月林邑國遣使朝獻

三年正月吐蕃新羅林邑並遣使朝貢

十月林邑國遣使朝獻

十一月突厥遣其大臣移力貪汗獻名馬千疋并方物

中宗神龍元年三月新羅王金志誠遣使來朝九月又遣使獻

方物

二年四月新羅王金隆基遣使獻方物

二月日本國遣使來朝

七月波斯國林邑國八月新羅國並遣使貢獻

十月新羅國又遣使朝貢

三年二月吐蕃贊普遣其大臣悉董方物方物

五月真臘國六月康國王突氏並遣使獻方物

八月林邑國遣使獻馴象

景龍元年十一月室韋首領十二月新羅並遣使朝貢獻

二年春正月吐谷渾三月波斯十二月堅昆並遣使來朝

三年正月龜茲二月吐蕃三月崑崙國六月新羅八月吐蕃遣使貢方物

十月室韋並遣使貢方物

十一月林邑國遣使獻白象及方物

四年正月新羅焉耆南天竺真臘等國四月高麗各遣使來朝

睿宗景雲元年九月南天竺國吐蕃十月謝颺蜀賓國並遣使

貢方物欽化可汗突騎施守忠遣使來朝十二月吐蕃遣使獻

方物

是年奚首領李大酺遣使貢方物

二年八月九月突厥並遣使來朝

十一月靺鞨室韋遣使獻方物

十二月突厥獻食大食新羅林邑獅子國遣使獻方物拂菻國

獻方物

太極元年二月新羅突厥並遣使朝貢

四月林邑國五月吐蕃並遣使獻方物

延和元年八月吐蕃遣使朝見

庚申庚申八月廿七善畫好隱良

四月林色國在日七善畫好隱良

大德元年二月徐羅夏海善畫好隱良

善畫

十二月突照燦會大會徐羅林色國善畫好隱良



